



**Ein fast schon büchlin in welch?[n] yederman findet ein hellen
vnd claren verstandt von dem leib vnd bl?t Christi. : Jn
welchem verstandt ein yeder gesettiget würt vnd einer
rüwigen conscientz,**

<https://hdl.handle.net/1874/430160>

Ein fast schon büch

lin in welche yederman findet ein hel
len vnd claren verstandt von dem leib vnd blüt Chris
sti. In welchem verstandt ein yeder gesettiget würt
vnd einer rüwigen conscienz bewert mit göttlich
er schrifft. durch Clemens Ziegler. Gartner

zu Straßburg.



Ech Clemens Zegler bitt ein yeden der disß büch
lin lißz durch die barmhertzigkeit gottes vnn
durch das leyden vnn blüt vergyessung Ihesu
Christi das er es lesß biß zü dem ende der beschloß redt/
vnd dan so hoffich es sol frucht bringen / in das
ewig leben Amen

¶ Spiritus ubi vult spirat Ioan. 3. 8.

2.

Gnad des heyligen geysts von gott dem vatter verzeihung der sünd durch Christu Ihesum sy mit alle Christ gläubigen / in diser zept / dz wir erlangen vß gnadē noch disem leben das ewig leben. Amen.

Das Erst Capitel.



Ich Clemēs Ziegler ein Gartner zu Strassburg / nit das ich ein Ziegler bin / sunder ein bawers man der auff dem feld arbeitet. als nemlich mit dē gartwerck / vnd das ich aber semlichs anzeyg mit vil worten / das deut vrsach dan es sind etliche reden für mein oren kommen durch etliche brüder wie man an etlichen orten verbiete meine vor geschribnebüchlin / welches ich geschriben hab von dē leib vnd blüt Christi / vnd von dem Christlichen tauß wels es kein mensch kan mit der warheit wider sprechen.

Weyter / so haben mir etliche brüder gesagt die von ferrem zu mir kommen sind / wie das man in vil stetten nit weiß was ein gartner sey / vnd nemlich zu Angspurg des halben ich hab angezeigt dz ich ein bawers man bin der dz veld brauchet mit Züblen / Rüben / Rettiß / hanff vnd der gleichen / wie dan ein yegliche stat ire zünfft hat. **M**itt schreib ich das ich mir hie will einen namen machen für andre menschen / sunder das die herlichkeit gottes gebreißet werde. **D**an nich bekē mich vor allen Christlichen brüdern das ich bin in sünden empfangen vnd geboren / vnn d nit allein in sünden / sunder auch in lastern / aber sollichs ist beschehen durch densünder vererbung / wie in der heylige Paulus nennet / auch ist er der wiß gewel / von dem Christus sagt im Euangelio dan er hat den **E** stand verbotē / denen die die gab der Keußheit nit habent / welschen gott die **E** gebotten hat /

vß welchem verbot des Pappsts seind erwachsen schent
liche laster / welche seind ein grewel vor gott. auß welcher
er dan billich ist genant der wüß grewel. aber vff das da
erfült würd / so da geschriben steet / das Christus sye ge
setzt zü einem zeichen dem wider sprachen wurt / vnd zü
einem wider vff erston viler in Israhel. Dan der heylig
Paulus spricht. Nit vil weiser / nit vil edler sind berüffe /
sunder was dorecht ist vor der welt. Des gleiche spricht
Christus im Eüangelio / vatter ich sag dir danck das du
diß hast verborgen den weisen / vnd hast es geoffenbart
den kleinen das ist den verachten / vñ darumb so sol sich
niemand an meiner person vergessen. Sonder vff die ge
schrifft sehe / dan wan ich vff mein person selbespre. So
bin ich betrübt / wie vil meer dan ein ander der vff mich
sycht. Dan so ich die eygenschafft meines fleisches be
trachte / so finde ich nichts dan verdammüß in mir / wo
wo mir Christus nit kommen wer / gestorben vñ begrab
ben vnd auff erstanden / vnd das er vor got seinem vater
ter mir herr versünet meine sünde durch sein leiden das
ich ein frölichen zü gang mag habē züm vatter nach die
sem leben / in das ewig leben / vnd nit allein ich / sunder
alle Christgläubigen die da glauben wie ich glaub / aber
yeglicher wende sein hertz ab von der person / meiner
oder eins andern / vñ haben acht vff das wort. Dan
Christus mocht semlichs auch nit leide / sunder er sprach
das ich thün das thün ich nitt / sunder der vatter der in
mir ist / aber wie es war zü den zeite der propheten / also
was es zü den zeiten der Aposteln / vñ wie es war zü den
zeiten der Aposteln / also ist es yetz vnd wirt yetz zü vns
sern zeiten. Dan gott hat gesproche durch den propheten.
Johelam. ij. Capitel. in den letzten tagen will ich
auß giessen von meinē geist auff alles fleisch / vnd ewere

für vnd d'zchter sollē weiffagen / vnd ewere jüngling sol
lent gesyht sehen / vnd meine knecht vnd mägde sollen
weiffagen / von welcher diser zeit der heylig Petrus auch
geredt hat / in Actis am andern Capitel / aber über das
alles / so man yetzt die göttliche warheit anzeigt / so vers
leügnert man es / gleich wie ihene thetē zū den zeitē Noe /
biß das die sündfluß vff sye kam.

Item die wider sprecher verspottend auch gleich / wie
ihene zū Sodomā / welche den Lotten verspotten / Sie
sagten er wer ein fremdling vnd wolt sye leren / vnd sye
theren das nit allein Lotten sunder den engeln vnd den
botten gotes / mit welchen sye wolten schand begon wis
der die menschlich natur / da schlug sy got mit der blint
heit / vnd ließ das sewr von himel auff sye fallen. Gene.
am. xix. capitel.

Das ander Capitel.

Wir mein aller liebsten brüder in Christo Ihesu / es
wundert mich das ir so gar vnnerstendig sind / als nems
lich / die so do gelert sind in der geschriffte / dann ir thünt
gleich als ob ir kein verstand hette. Ach nit also ir mein
liebsten brüder. Nit thünt gleich wie ihene thünt die da
verbietē seylzū haben meine vor geschribne büchlin / yn
welchem die göttlich warheit angezeigt ist / vnd das soll
mit meinem leib bezeügt werden durch die krafft gotes /
so es gott von mir habē wil / aber das ist gewißlich war
solliche gebot oder verbot sye geschēhē / dan in welchem
land oder in welcher statt sye wöllen / so ist gewißlich an
men erfüllt das geschriben steet / mit den sehendē augen
werden sye nit sehen / vnd mit hörenden oren werdent sy
nit hören. Esaie. vi. Capitel / vnd darumb so bit ich alle
die da gelert seind in der geschriffte / sye künne wie wenig
syewöllen / das sye mit große ernst vnd fleiß in der bibel

lesen. Dañ es ist warlich der acker / in dem der schatz ver
borgen ligt. vñ welchem wir hand. **Matth. am. viij. Ca.**
dann warlich bringt es grose frucht den menschen auff
erdtreich. dan die weil ir eüch berümen Christlichs glau
bens / vñ thünt das vñ grundt des hertzens / so seind ir
jünger Christi / seind ir dan jünger Christi / so ist eüch ge
ben zü wissen / dz geheimniß des himelreichs. **Wie Chri
stus spricht. Matth. viij. Das ist so vil geredt. das ein
Christglaubigen nit ist vor behalten / von got dem vater
der verstandt götlicher geschriffte / auß welchem ver
standt wir erkennen den rechten weg zü dem ewigen les
ben. Aber ein solcher verstandt kumpt nit dan vñ faste
en vñ betten on vnderloß. Nit mein ich das fasten das
man nit essen sol / sunder das wir vns nüchteren halten
in bösem fürsatz mit allen dingen / es sey mit wortē oder
wercken. Auch rede ich nit von dem vil betten mit dem
mundt / dan es ist gleisnisch / ja auch heidnisch. vñ Chri
stus hat es vns auch verbotten. **Matth. vj. Cap.** dan als
vns betten müß im geist vñ in der warheit sein / vñ
gott der himelisch vatter will es also haben. **Joan. iij.
Capi.** das ist so vil dz als vns gemüt / sin / vñ gedanck
en sol geneigt sein in got / vñ wir sollen allzeit erseüßzen
noch der verheißung Christi. **Durch welche seüßze wir
vor gott erkant werden / als die so do betten vñ dan so
würdt vns der heylig geist verdretten vñ gnaden vñ vns
alles. leren das got gefelt ad Rom. viij. Dan wo sollich
betten vñ faste nit ist wie ob steet. da hilfft weder schrei
ben noch predigen / dan es ist vmb sunst. Nit dz man soll
auff hören den güte zü predigē oder zü zü schreibē. **Sun
der es ist geredt von dē gotlosen / dan sye sind die sunster
nüß / in welcher das liecht scheint / aber sye begreifen es
nit. Joan. j. Dan bey men ist erfült / wer da hat dē würdt******

2.

geben das er genüg hat/ vnd wer nit hat dem wirt auch
genommen das er hat. Matt. viij. das ist so vil welcher
lesen kan vñ wil nit lesen/ vnd er will auch nit hören das
wort gottes/ vñ welchem hören vñ lesen der glaub vnd
der verstandt kumpt/ vnd er wil auch got nit bitten vmb
einen glauben/ vnd vmb einen verstandt seins göttlich
en willens/ sunder er schertz sich frum vñ gerecht/ in al
ler seiner bosheit/ Wo ein solcher ist/ de würt auch ge
nommen das er hat/ das ist sovil er würt also verstockt
das er auch nit würt können glauben/ das Christus sey
der sündes lebendigen gottes/ auß welchem vnglauben
dan folgt die verdammüß. Joan. iij. wer aber hatt dem
würdt geben das er genüg hatt/ das ist welcher lesen kan
vñ wil nit lesen vnnütze geschriff als die bücher der vāts
ter vnd Päpstlicher sätzung/ sunder er befliß sich in der
heyligen bibel mit großem ernst vnd fleiß/ vñ mit groß
sem seufftzen vñnd betten im hertzen zū gott vmb einen
verstand/ durch den namē Christi/ dem würt gewißlich
geben gedult/ langmüt/ lieb gegen got vnd gegen dem
nechsten/ vñnd ein beharung in aller verfolgung biz in
den todt/ in welchem der mensch dan genüg vnd allē sol
len haben würt. Dan wer do behart biz an das end/ der
würdt selig. Matt. v. vnd am. xvij.

Das drit capitel/

Ich bitt auch alle Christliche brüder. vñnd schwes
stern/ das sye sich nit wöllen entsetzen oder verwunden
meines vor geschreibenen büchlin/ auch so lont vch nit
erschrecken/ die so dar wider rüffen/ es sye auff den kantz
len od anders wo/ es redē etlich dorechte wort/ d ich mich
bescham von irzent wegen. Des halben das ich hab ges
redeman solt den leib Christi nit inschliessen/ vnd nit der
mossen so vnchristlich mit handlen/ als yetz ein lange

zeit vnd wir handt nicht einen büchstaßen von Christo
Ihesu noch vō de Apostelen solcher müssen mit zū hand
len. **A**ber das hand wir klorlich das gott seynen knecht
Josue hatt gewissen in die geschriffte welche sein vorfar
Moyses durch den munde gottes geschriben hatt. **D**ie
weil dan gott Josue hatt geborten/das er sein angesicht
nit abwende von der gschriffte sunder er sol tag vñ nacht
sich darin üben. so werd ers verston. **D**an sol er nit wichē
weder zū der linckē noch zū der rechtē sunder recht wan
deln noch der schriffte außweisung. Josu. am. i. Cap. der
gleichen Deutero. xvij. vñ Christus Ihesus vnser Herr/
hat alle ding wol gemacht / vnd hat vns gleich verorde
net in die gschriffte mit Josue dan Josue hat vff vns ge
deütet vnd darumb auch Christus zū vns sagt. wer die
ser meiner kleinsten gebort eins vfflöset / der ist d̄ kleinste
im himel. Mathei. v. **D**as ist so vil. man sol nichts vff
richten oder für tragen dem Christlichen volck zū glau
ben das da nit angezeigt gegründ vñ beschlossē in der
heyligen geschriffte sey / wo aber semliche vffrichten bes
schribt. da würt der geschriffte zū geben / gleich als ob sye
nit genügsam wer dan ist die gschriffte vff gelöst. **D**an
sye gewint ein weyreren schweiff / weder sye ist angezeigt
von dem heyligen geist / aber wee dem der sollichs auff
richt / vnd wee dem der sollichs bald an nimpt vnd nit
lügt ob es götlich sey oder nit vnd wee dem der sollichs
erstattet der den gewalt hatt von gott das vnrecht zū
straffen. **S**o ym würt angezeigt / was da recht vnd vns
recht sey. **D**an solchen menschen wer besser / sye werent
nie geboren. dann sye lesteren den heyligen geist / welche
sünd nit würt verzygen weder hye noch dort / das ist wez
der yn disem leben noch an dem tag des lestē v̄reil gots
tes des allmechtigen. vñ darumb so lont vns wandlen /

die weyl das liechtrist vff das so es fünfter wirt / das wir
 vns nit stossen. Das ist ob die frummen prophetischen
 männer, durch die boßhaffelgen würde hinweg gethon
 Das wir die da über bleibē vns nit stossen an die wüßts
 en grewlichen abgöttischen mensche gebot, welche dan
 ein abschew vor gott ist. Dan meinend ir nit das wir
 got größlich erzürnen das wir anbetē ein creatur vnd
 ein geschöpff / gleich als einen gott / welches anbetten
 von den falsche propheten ist auff gericht, derē ir band
 ir got ist. Dan sollichs auff richten vnd anbetten hand
 sye nit gethon oder auff gericht zū der seligkeit der mens
 schen selen. Sonder inē zū einem grempel marckt / vnd
 zū einem gewin vff das die weiber so sye also dz Sacra
 ment angebetten / das sye ihensyt dem altar seind / vnd
 dan gar umbhär gent, legen den pfenning / heller / kass /
 eyer / flachs / hūner vnd fleisch vff den altar / vff das der
 tempel oder das behaus auch werd ein kauffhaus vnd
 ein mörder grub / gleich wie zū den zeiten Christi / als wir
 hand. Ioan. am. ij. Capi / vnd gleich wie es Christus zū
 der selben zeit mitt einer für geflochtenen / geißlen auß
 dem tempel treib / also treibet ers yetz mitt einer gnedis
 gen feüwigen geißel hārauß / durch den mundt seines
 geists / vnd wo man sich nit last abtreibē durch die wort
 des heiligē geists da wirt gott abtreibē mit dē brant des
 hellischen sewers / vnd mit der ewigen verdammüß.

Das. iij. Capitel.

Aber es ist leider da hin kōmē / so einer yetz die war
 heit anzeigt so ergern die sich am aller meiste / die es am
 aller wenigsten thun solten / gleich als ob sye keinen ver
 standt hetten / vnd sye sagen doch wider mich mein fürs
 nemen sye recht / vnd es gefal in wol / vnd ich sol ym also
 thun vnd sol schweigen. Hör wie die geschriffte Pauli so
 gar darwider sychet / vnd Christus der gleichedā. S.

Paulus spricht/ ich hab eüch nichts vor behalten/ das
mir gott geben hat sunder alles gelert/ spricht Christus
wer sein wort hört der sol es auch thun Matt. vij. Dar
gegen spricht Christus Matt. v. Wernoch seinen wort
en thun/ der sol es auch andre leren vnd darumb so wil
ich Christus meine liebe herrē folge/ vñ wil nit forge das
das wort gottes gelegt werd/ durch dz wort gottes/ dan
wer sollichs forget an dem ist erfüllt der spruch Esaie da
gott spricht. Wer ist dorechter dan mein knecht. Vñnd
weiter so sagen die selben es stand mir nit zū mein be
felch sey arbeiten. Ich antwort es ist war es ist aber dar
neben nit auch erfüllt die geschriff. Dan die lieb ist das
größt/ nün so ist es ye gewißlich war/ wo die lieb des nech
sten nit angezeigt würt im gesatz gottes/ da ist dz gesatz
nit auff gehalten. Dan Christus hat die lieb zū got vñ
dē nechsten vns geben für das größt gebot/ vñ die weil
mein befelch arbeiten ist/ so ist mir die lieb doch nit vers
bortē/ sunder gebortē. Nün spricht gott im gesatz durch
Moysen zū dem volck von Israhel/ wan du deins brü
ders/ ochs/ rind od schaff syhest ir: geen/ so solen dich nit
abwendē/ sunder du solt es dein brüder wider zū fierer
Deutero am. xxij. die weil ym dan also ist/ wie vil meer
ist dan der mensch besser dan ein fyeck/ vñ darüb also
vil der mensch meer ist/ dan ein fyeck/ so vil meer sol ich
vñ ein yeder geflissen sein den menschen zū fyeren auff
den rechten weg/ auff dz er kum zū vnserm brüder Chri
sto/ vñnd durch den verdienst Christi zū gott vnserm
himelschen vatter/ dz ich aber hab erkant das mein brü
der vñd Schwester ir gont/ das thun das ich auch ir bin
gangen nün aber hab ich die rechte ban erfunde/ so zimet
mir by meiner seel seligkeit meine brüder auch zū weisen
vñd angesehe was mir darauß erfolgt/ dan solliches hab

6.
ich nit von menschen leren entpfangen. dan sye seind all
wider mich / aber schwebel ist gar ein böser gestäck / doch
ye me man es ins feüwr schit. ye meer es brennt. dan in ei
nem yeglichen erzeigen sich die gabē des geists zū dem
gemeinen nutz es sind vil geben / vnd die weil ein schad
erwasen ist vnder der gemein / dardurch die ganz ges
mein versürt würt vnd verligt. verdambt. so ist nit noc
das man solchs ein oder zweyen in einer geheym in die
oren bloß sunder der ganzen gemein sol mans sage vñ
offenbaren vnd ob schon des leibs gefertigkeit. darauff
stunt. dan Christus spricht. ein güter fründ setz sein lebē
für sein seind. warumb wolt ich mein leben nit setzen für
die gang gemein / hat mir got auß der tieffe des wassers
geholfen. in disem. xviii. jar. da mir alle meine krafft
was entwichen / vñnd aller menschen hilff war kein bey
mir. aber der namen Christi Ihesu. halff mir wider sein
här auß vnnerlezt / vnd darumb so hoff ich er werd mir
mein seel auch erhalten in aller meiner trübsal. vñnd er
thut es teglich dan ich hab vil an stöß von der welt.

Das. v. Capitel.

Ich muß zū vor ein exempel reden vnd dan so will
ich firt faren ist im nit also. es ist ein mensch gefirt auß
der stat seines vatter land. gleich wie wir alle gefirt sind
vnd aber der selbig mēsch / geet in der wüsten gleich wie
wir alle gont / vnd aber der selbig mensch / kan nit von
im selbs finden den rechten weg zū der stat seins vatter
land. gleich wie wir alle nit können erkennē die verstein
nüss der götliche geschrifft vñ vnserer natur durch wel
chen verstand wir kōmē ins vatter land. dz da ist im hi
mel vñ aber es köpft ein ander mensch zū dē mēsche d. da
ir gar in der wüsten. vnd er wisse den menschen der da ir
gat auß den rechten weg zū der stat seines vatter land /

auff welche er gefürt ist / vñnd in welche er wider begert /
vñ aber diser mensch wise den geirten mensche auff den
rechten weg mitt an gezeigten worten / das er nitt meer
kan irren / vñnd diser verirrt mensch geet der selben strass
en also noch / bis das er kumpt an das land oder an die
statt seins vatters / so nohe dz er hört die glocken leuten
vñnd hört die hân kreigen / vñnd dan kert er sich wider
ymb in die wüsten vñnd verdirbt also darin dan der weg
weiser ist nit meer bey im / vñ dan so ist ym dz letst erger
dan das erst. **¶** **Dart. am. xij. vñ** wan er dan den tod für
seinen augen sycht dan geen im sein augen auff. also ist
es auch mit vns / so vns würt angezeigt der missbrauch
des leibs vñnd des blüts Christi vñnd dar gegen wirt vns an
gezeigt wie man es recht brauchen sol nach are der heylig
gen geschriffte on alles wider sprechen / aber über das al
les / so thün wir gleich wie hener der da ir gieng / darüb
das yn diser der in dē rechten weg weiß in dz vatter land /
darumb das er yn nit bey der hand nam vñnd in die statt
hyn ein fürt / darumb so begert er nitt hyn ein / sunder er
ging noch darzü vñnd kert dan wider in die wüsten vñnd
verdarb. **¶** Also ist es yetz gewislich auch mit vns / so mā
vns anzeigt die geheimniß gotts vñnd darüb das mā
vns nit mit dem finger ebē auff alle ding zeigt so thünt
wir gleich wie hener vñnd keren wider in die wüsten vñnd
verderben also mit der falschen menschen leer / vñnd wir
thünt wie hener vñnd fragen nit weiter / so wöllē wir auch
nit erfahren / vnser frag aber steet in der heyligē geschriffte
vñnd das erfahren in betten vñnd fasten on vñnderlaß wie ob
steet dan Christus spricht / was ir den vatter bitten vñ
erden / das sol vch wider saren im himel. **¶** **Hie muß mā**
lernen bitten vñnd den verstande der geschriffte / vñnd nitt
vñnd zeytliche güter / dan es sol vns im himel wider fas

ren. Mat. xviii. Dañ Christus spricht an einem andern
 ort. bitten so würt euch geben / sùchent so werden ir sünd
 den / Klopffent an so würt euch auff gethon vnd diß lere
 vns als vmb geistlichs bitten vnd nit vmb das zeitlich.
 Weyter so ist es leider da hin kommen / so man die war-
 heit anzeigt mit kurzen worten / so ergeren sich die mens-
 schen yetz dar ab / darüb dz mā nit ebē alle wort anzeigt
 die zu einer sacht dyenen / vnd die selben können anders
 nichts. dan das sye schreyen. Ketzer Ketzer. hyn weg mit
 solchen ins feüwr. vnd sye hand nit einen büchstabē mit
 dem sye mich ins feüwr können bringen. meines schreis-
 bens halben. dan das sye halten an irem langen falsch-
 en brauch. Welcher brauch der warheit nit schadē würt
 vnd darumb auß solchem / das sye die heylig geschrifte
 also schenden vnd auß rüffen als ein ketzerey in solchem
 schenden die sich selbst vor gott. vnd auch für den mens-
 schen. dan sycht man vnd merckt das sye nit vil lesen in
 der heyligē geschrifte dan wā sie sich üben in der heil-
 igen geschrifte mit lesen vnd studieren. so würden sye fin-
 den. das die schrifte aller heiligen prophetē gottes müß
 wider er für bracht vnd erclert werden. vnd an dem selb-
 en ist dan dz jüngst gericht klar auß gerrückt. Act. iij.
 Dan es ist ye gewißlich war. wā sy sich in der geschrifte
 brauchent sye würden sich nit ergeren so man sprichet
 das es vnrecht sey dz man dē leib Christi also in schließet /
 auß welchem in schliessen ist erwagfen ein gewisse abgöt-
 terey. als ir her nach hören werden vnd darumb solast
 vns gott benedeyen vnd danck sagen. das sein warheit
 yetz an den tag kumpt zu vnsern zeytē. dan warlich wir
 seind die vff welche das endt der welt fallen wirt. vñ der
 groß tag des herren des letzten vrtail gottes. als ir dan
 in kurzem hören werden / dan diezeit ist worlichen fast

verloffen habe acht auff den feygen baum.

Das. vi. Capitel.

Lieben brüder. das wir den leib Christi also in schließ
sen vnd mißbrauchen/ des fallen wir von einer irthumb
in die ander. vnd so starck das die irthumb nit mögē ab
gerhon werden/ dan durch blüt vergiessen. als man dan
leider yetzt sycht in der Christenheit hyn vnd wider. aber
es ist zū erbarmen das sollichs soll gehört werden vnder
den Christen. vnnnd die sich also nennen/ das sye solchs
blüt sollen vergiessen/ aber sye yfern nit vmb das gesatz
gottes/ als. sanct Paulus yfert in seiner verfolgung. als
wir haben in. Act. xxij. capit. aber der eyfer der yetzigen
menschen verfolger ist vmb das gesatz der mensche. ob
aber yemant meint vnnnd begert zū wissen von dem leib
vnd blüt Christi. wie man in sol anbetten vnd wie man
mit sol handeln/ vnd wieda sey das brot vor vnd nach
der consecrierung/ vnd was da sey das brot. vñ was da
sey in dem brot in der consecrierung oder benedeyung/
wer das wissen will von grundt seins hertzen. der merck
auff dise nach folgende wort in disem büchlin. so wirt er
es finden so hell vnd klar/ das er wirt erfertiget. vnd ei
ner gerüwigen conscienz sein leben lang. so fer/ das er
der heyligen bibelischen geschriffte glaubē gibet. mercken
auff/ Zū dem ersten hat got gebortē sein knecht Moisi/
dē volck zū gebietē dz oster lemlin zū essen. welches oster
lemlin ist ein bedeütung gewesen auff das war oster lemlin
Christū Ihesum. wie d̄ heylig Paulus spricht. i. Cor.
am. v. capitel. vnd gott spricht zū Moisi. so ir das oster
lemlin essen. so sol nit über bleibē. Exo. xij. oder im an
dern büch Moisi/ der gleichē hand wir. Exo. xxxij. es
sol nit über bleiben vñ in Leui. xxij. es sol nit über bleib
en. vnd im. v. büch Moisi. am. xvj. es sol nit über bleib

ben. **I**r mein lieben brüder in Christo / laßen vch bewes-
 gen den großen ernst vnd eyfer. den gott vnser schöpffer
 vnd vnser getrauwet vatter gegen vnns erzeigt hatt/
 vnns zü leren als ein vatter seine liebe kinder lernet in
 dem wir erkennen das er vns hatt wöllen abzeyhen von
 der irthumb. in welche wir yetz kummen sind / durch die
 falsch vngegrünzte leer der gotlosen / dan wissiglichen ist
 das selb abzeyhen von gott vnserm vatter im gesatz ein
 deitung vnd ein warnung auff vns gewesen / yetz in dis-
 ser letzten zeyt. wie dan der heylig Paulus / das clar vnd
 hell auß truckt durch den heiligen geist / als wir hand. i.
 Corinths. x. vnd darumb ir mein aller liebsten gedenc-
 en vmb gottes willen / das wir durch vnsern abfal vnd
 vngesorsame sind auß dē gnaden land der verheissung
 verstoffen worden vnder die heiden / aber dar gegen ha-
 ben wir ein trostlich zü sagung / Das gott spricht in dis-
 sem text. vnd spricht also / vnd wan du bey dē heidē bist
 vnd dich über fallen die grewel der heidē / vnd so du dan
 gereiniget würrst / vnd suchest den namen des herren / so
 würr dich der herz erhören. dan er ist barmherzig / vnd
 würr dich nit lassen. Deutero. am. iiii. es möcht die wir-
 der parthei sagen / ob ich vns Christen wolt gleich hal-
 ten den heiden. **I**ch antwürt / ein yeckliches werck / nit
 mer seinen meister / vnd ein yegkliches werck veracht
 seinen meister. die weil alle vnser superstition. vnd cere-
 monien sind gegründ vō den heidē vnd wir dz noch teg-
 lich übel / was fortels hand wir dan vor dē heiden / nichts
 über all / wan wir aber wöllē Christe sein. so müssen wir
 thun wie Josias. d̄ jünglin gethö herr / er that alles was
 dē herre gefiel. / er weich nitt zür linckē so weich er auch
 nit zür rechtere / sunder er bleib bey d̄ heilige schrift als wir
 hand im. iiii. büch der künig im. xxij.

Das. vij. Capitel.

Es spricht aber die wid parthei die dē Euāgelio zū wider ist. vñ spricht also es sy nit als zū gläubē was. **S.** Paulus hat geschreibē/ ob ich dan das gesatz wolt auff vns ziehen durch die leer Pauli/ ob ich dan nit weiß das **S.** Paulus auch ein mēsch ist gewesen/ er hett auch kün nē irē vñ dz redt ich nit als ein fabel die erdacht ist/ dan sye sind mir vnder mein angesicht gestanden vnd hand solchs zū mir geredt/ ja etlich seind mir heym in mein hauß gelauffē/ vñ habē gesprochen. ich sye vn Sinnig/ vñ der teüfel rede vß mir/ etlich habē gesagt. es steet gschreibē verflucht sy d nit helt alle wort des gesatz/ der vnder dem gesatz ist/ vnd die weil ich dann das gesatz an einē endt auff vns zyecken/ so ligt es dan gar auff vns/ so solt wir auch kein schweinē fleisch essen/ vnd ich solt auch geen zū den bauern/ vnd in sagen oder schreiben/ das sie den zehenden geben/ vnd sich nit also sperten/ als sy yez thund/ dan es ist von gort gebotten im gesatz. **A**ber ich hab noch disen reden ernstlich gelesen das gesatz vß anfang biz auff s endt/ vnd hab fundē das got hab gebotten durch Moisen dē volck von Israhel/ sye sollen kein schweinē fleisch essen/ ich hab aber auch fundē im gesatz/ das eben durch den selbē Moisen ist wider auff gehaben das gebot schweinen fleisch zū meiden/ sunder ein yeder sol esse alles fleisch nach lust seiner selē/ beyde reines vñ vnreins. gleich wie hirtz vñnd reher. **D**entero. vij. aber vom zehenden darff es nit vil redens/ dan er ist anfanglich von mensche erwachsen ein lange zeit/ darnach hat got der himelisch vatter gethon gleich als ein getrewer vatter der sein kinder wolzeyhen wil/ vnd er hat erkant die natur seiner kind/ dan er hat wol gewist/ dz sy seind geneigt gewesen inen selbs ceremonien vñnd gesatzs zū

9.
machen oder auff zů legen / durch welches wegen sye zů
letst weren gefallē vō ein auff dz ander / vnd villeicht zů
letst weren sy durch sollichs ab gewichē vō werck meister
auffire eigē werck / vñ darůb so hat in gott der himelisch
vatter angeleit ein schloß biß / damitt er sie zembde vnd
behielt in seiner hand / vnd hat in dē zehenden gebotten
mit villerley sartzungen / aber solchs ist geschēhē ein zeyt
lang / aber in summa der zehenden im gesatz ist frey auff
gehoben / vñ nit allein im gesatz / sunder auch im newen
testament im paulo vñnd im Euangelio vnd nemlich
Matt. xxij. aber das ich fort far / so sag ich das der heyl
lig paulus warlich nit geirret hat / dan sollichs gibet mir
die geschriffte zů verstan / dan als das volck von Israhel
geführt ward auß Egiptē vō dē dienst pharaonis / vnd
gleich als das volck von Israhel ist geledigt durch das
osterlamp von dem dienst pharao / also seind wir geled
digt wordē durch dz osterlemlin Christū Ihesum vō dē
gewalt des teüfels / dann er ist das lemlin gottes das da
hyn nimpt die sünd der welt. Joan. i. Hie stimp paul
lus gleich mit Joannes / dan es ist ye gewißlich wie hene
in Egiptē das osterlemlin assen / zwischen aben vñ wur
den am morgen auß geführt von dē dienst / eben also hat
gethon Christus vnser hertz / er hat auch zwischen abent
das osterlemlin gessen mit seinen jüngerem / vnd gleich
am anderen tag wurden wir auß geführt von dem dienst
pharao oder von dē gewalt des teüfels / das ist die sünd
soll nit meer über vns herschen / sunder die gnad die wir
yezt entpfangen habē durch das Euangelium / sol vns
frey dar stellen gott dem vatter in der lieb zů got vñ ges
gen dem nechsten durch den verdienst Christi.

¶ Das. viij. Capitel.

¶ Weyter so hab ich geschriben in meinem vorzigen
C

büchelin das man de leib Christi nit also sol ein stellen/
vnd auff der gassen tragen/ vnd ich hab es gethan mit
güter vrsach/ dan es stat geschribē im gesatz/ als die da
das osterlemlin assen da hatt in gott verbotten. das sye
nirt von dem fleisch für das hauß/ da sye das oster lemlin
in assen sollen tragen auff die gassz. Exodi. xij. Dies
weyl er dan spricht am selben ort es sol nit überbleiben/
warumb thünd wir dan das widerspil? Item gott hatt
geseyt/ man sol nit vom fleisch fürs hauß trage. wie ob
stat. vnd wir sagen vnnerschampr on allen grüde der ge
schriffte. das dz brot des altars sey nim brot. sunð fleisch/
vnd über das alles rragē sie es vff der gassen/ wider das
gebott gottes/ im gesatz vnd wider all geschriffte der pro
pheten/ vnd wider das gantz new testament. Nun ist es
yenit von gott. ist es dan nit von gott dem vatter so sol
es auß gereütet werdē/ dan es geschicht ein abgötterey/
dan Christus hat vns nit gelett. seinē leib auff der gassz
en tragen/ ja mit keim büchstaben mag es anzeigt werdē
den in der ganzen Bibel. Aber das wider theil werdē ir
von mir hören/ das der leib Christi vns glaubigen auff
der gassen treget/ dan got hatt es vns klar auß getrucke
durch seine prophetē/ ja auch durch sein kind Christum
vñ der gleichen durch den heyligen Paulū der es so hell
vnd klar hat angezeigt. dz im nieman kan wider sprech
en. vnd ich hoffes sol in disem büchlin der massen ange
zeigt erfunden werdē/ dz ym kein Christen mensch wirt
können wider sprechen. sunder ein hellen verstande ent
pfahen on alle ergerniß/ dan wir haben. 1. Corint. 8.
gar ein über schwencliche vnd auß getrucke verstend
liche geschriffte von dem heyligen Paulo durch den heyl
ligen geist welche vns seind verborzen gewesen ein lan
ge zejt/ aber Christus spricht. Es ist nirt verborzen das

10.
nit alles herfür kummenwer / es ist auch nicht so heimlich
lich dz man nit alles sampt wissen werd / vñ was ich vch
sag im finsternuß das reden ir am liecht / vnd fürchten
euch nit vor den menschen. dan sye mögen der seel nicht
schade. Matt. 10. dz ist so vil als ob Christus hat gespro-
chen diese wort seind verborge den phariseyer vñ schrifft-
gelehrte. dan ich rede sye zu euch in einer dunckelheit vor
iren oren / dan sye seind die vinsternuß die das liecht nitt
begreiffen / von welcher Joannes. i. schreibt. dan sye wer-
den an mir volbringen alles was sy gelust / vnd darumb
rede ich vor yn das sey es nit verston / vnd sich nit bekö-
ren / dz ich yn der maleins helff. Matt. xiiij. Als ob Chri-
stus hat gesprochen / sye seind die instrument die an mir
sollen verbringen mein leide bis in de rodt / nach de wol-
gefallen got meines himelschen vatters / durch welchen
rodt er geweltiglich ist auff erstande / vns zu gut in das
ewig lebē. Nun so ist es ye gewislich war. dz wir yetz in
diser zeit solle wadeln im liecht. dan Paulus spricht. wir
ware vor lag in d finsternuß / yetz aber sind wir im liecht
die weil im dan also ist / so ist yetz gewislich war dz Chri-
stus vnser lieber herz da zu mal hat geredt vff vns in dis-
ser zeit nach seine leiden / das vns das Euangeliū sol hell
vñ clar auß gelegt werde durch de heyligē geist zu einer
zeignuß über alle vöcker. Matt. 24. vñ darüb spricht
Christus zu seine jüngerē / sy sollē auff de tache sage. dz
ist so vil. es soll sich keiner lassen von der schrifft ab treis-
bender einen verstant hat. sunder so mā ym an ein ort
weret. es sey mit guten Worten oder mit trew wortē oder
mit gewalt einer oberkeit / durch welches ein person die
einen verstant hat. nitt möcht sig haben / sunder er soll
ab ston von der statt. da von man in solcher weis ab-
treibt / wie ob steet. er soll aber nitt ab ston die götliche

warheit an zū zeigē / sunder treibt man in auß der kirch
en / so gang er auff die gassen / vnd verkündige was ym
gott geoffnet hat durch den heyligen geist / wie Christus
spricht. **Luce. viij.** vnd ob man in auch nitt wolt dulden
auff der gassen / so sol er auff die tuch sitzen / vnd die war
heit gottes bezeügen / das ist er soll dan sagen zū den die
in aber mal abtreiben / rede ich vnrecht so zūge mich / wo
aber nitt / so trutz gang von dannen / vnd sprich du der du
einen verstandt hast also zū denē die dir werent. **Ir wüte**
rich vnd ir thirannen / als lang als ich hab mensche die
da begeren zū zū hören die gotlich warheit / so wil ich nitt
auff hören zū reden / die weil ich arthumb hab / vn̄ fürcht
dich nitt / dan so sye dir den leib schon nemen / so mögen
sye dir der selen nichts schaden / sunder gedencck was got
spricht im propheeten **Esaiā** / in aller deiner trübsal syhe
ich deine freüwd die dir bereit ist / vnd aber ich syhe auch
die belonung deren die dich verfolgen / vnd darumb so
soll ein yeder vrbittig sein / das ist er soll geflissen sein ges
gen yederman zū leren was im got geoffenbart hat / wie
sanct **Peter** spricht / dan. **S. Paulus** hat nitt vergeben ge
sprochen / felt ein zū hörenden etwas in sein hertz / so sol
man yn auch hörē / nitt wañ ein etwas zū felt dz er eben
alles weißt oder wissen sol / was die geschriffte vermanet /
vnd darumb das er es nicht als weißt / so solt ihenes nitt
gelten / das ym gott hat geoffenbart / das sol ferz vō vns
sein / dan es seind vil gaben vnd ein geist.

Das. ix. Capitel.

Nün wollen wir die wort Pauli hören / gott der all
mechtig wöl alle seine gläubigē erleüchtē mit dē heylige
geist / durch dz leidē Christi dz alle gläubigē die dise wort
lesen oder hören lesen / mögen verston vndd empfahen
mit frewdē ym glaubē. **Ame. Sanct Paulus** der sprich

11.

in dem vorgemelten capitel zu den Corinthern. Als mit den klügen rede ich / richten ir was ich sag / der kelch der benedeyung / welche wir benedeyen ist der nit die gemeinschafft des blüts Christi / vnd das brot das wir brechen / ist dz nit die gemeinschafft des leibs Christi / dan wir vil seind ein brot vnd ein leib / die weil wir alle eines brots theilhaftig sind / sehen an den Israhel noch dem fleisch welche die opffer essen / sind die nit die gemeinschafft des altars. Nun lieben brüder / der heylig Paulus hatt dise wort gar mit kurzem angezeigt / aber sye hand warlich einen weiten verstand / wer oren hatt zu hören der hör.

Zum ersten spricht der heylig Paulus in seiner predig zu den glaubigen zu Corinth / als mit den klügen rede ich / richten ir was ich sag / dz ist so vil als ob er sagt / als mit den weisen vnd verstendigē rede ich / welche weisen vnd verstendigen / seind die Christliche gemein / vñ darumb spricht er / richte ir was ich sag. sanct Paulus red sye nit von disen weysen der welt / dan die weißheit diser welt ist ein thorkheit vor gott. Ioan. i. aber er redt von der weißheit / so da geschriben stot / wir sollen nit wandelē als die vnweisen / sunder als die weisen / vnd darumb seind nit vnuerstendlich / sunder verstendig / was da sey des herzen wil / vnd löse dise zeyt dan sye ist böß. Ephe. v. vnd darumb so wil ich hie auch nür reden mit dē weisen / die da wissen den willen des herzen / ob sy schon dorecht sind / geacht von der welt / so weiß ich doch / das sye gott zu seiner weißheit hat erwölt / wie wir hand. i. Corint. i. dan es stot geschribē / gott hasset die weysen in irer weißheit / dan gott spricht ich will dz alle ir weißheit / eytelkeit ist / das ist all ir weißheit ist gericht auff das zeytlich vñ darumb warnt vns sanct Paulus da oben vor dē zeytlichen dan in got weiß sein vñ in der welt weiß sein / ist nit müg

lich/ dan es mag niemant zweien Herren dienen/ dan welcher wil yn gott weiß sein/ der müß ein kindt werden in der welt weißheit/ er mag sunst nit ins himelreich kommen. **W**eyter spricht sanct Paulus/ der kelch der benedeyung/ welchen wir benedeyen/ ist der mitt die gemeinschafft des blüts Christi. **N**ün liebbrüder/ höre zu wie das wörtlin gemeinschafft so gar abreißt/ vnd zu nicht macht/ die reden deren die da sagen der wein in dem kelch des altars im nachmal Christi/ welches wörtlin nachmal ist yetzt verendert vnd heißt yetzt ein messz/ vnd sye sagē der selbig wein sey nimer wein sunder blüt/ aber ich müß ein gleichnuß sagen von dem wörtlin gemeinschafft vnd setz also ist im nit also/ wan sich zwen mitt einander vereinigen/ so ist es ye ein gemein sprich wort/ sye haben es mitt einander gemein/ vnd ich setz also/ es seind zwen mensche der erst heißt Johannes/ der ander **M**arthias vnd sye handeln mit ein ander in einer einigkeit/ spricht man nit sye haben es gemein/ vnd man heißt ire beider handel ein handel/ dannoch heißt der ein Johannes der ander **M**arthias/ vnd darumb müß man verstou das da sey vnder dem wein das blüt Christi/ dem der es empfacht im geist vnd im glaubē/ **V**nd weiter spricht **S.** Paulus/ das brot das wir brechen ist das nit die gemeinschafft des leibs Christi. **D**ir lieben brüder hören zu wie sanct Paulus so gar nit stimmt mit vnsern hohen schulen/ vnd mit vnsern alten doctores/ welche da sagē das brot des altars sey in der brechung nimer brot/ sunder fleisch/ oder lesterliche wort/ dan solche wort hant große gors lesterung bracht/ als nemlich vnder den böhömeren/ da dan disputaz ist auff den hohen schulen auff gesetzirung nimer brot sunder fleisch/ sehe zu ir liebe brüder/

was die vngelerre doctores übel zu gericht häd / dan die
 böhem seind gleich darauff gefallen vñ habens glaubt
 vnd gesagt vnd sagen noch regleich / darumb hat Chris-
 tus gesprochen Joannes. vi. wer nit ysszt von de fleisch
 des menschen sün / vnd trinckt von seinem blüt der hat
 kein leben in ym vñ mit andern wortē spricht Christus
 wer von meinē fleisch ysszt vñ vō meinē blüt trinckt der
 hat dz ewig lebē vñ ich werde in auff erweckē am jüngstē
 tag / da die böhömer solche hant erfahren im Euangelio
 Johannis vñ hant gehört die wort der vngelerre docto-
 res die da haben geredt on alle grund der gschriffte. das
 brot des altars sye nimer brot sünd fleisch / vñ im kelch
 sye nimer wein sunder blüt / wie auch obsteet / da haben
 die böhemer gesagt so wollen wir es vnsern kindern in
 der wagen geben / vñ als ich hör so thün sye es noch vff
 disen heütigen tag / welches thün ist wider gott vnd wid-
 der sein heylige gschriffte / dann sanct Paulus spricht.
 Roma. viiij. was nit ym glaubē geschicht das ist sünd /
 nün so seind die kind ye noch irer vnschuld von welcher
 vnschuld wir hant Numeri. viiij. da gott ansyhet die vn-
 schuld der jungen Israheliter / vnd spricht / ewere kindt
 sollen ins land kommen der verheiffung / ir sollen aber
 nit hinein kommen. der hat den spricht Christus / Las-
 sent die kindlin zu mir kommen dan das himelreich ist
 ir. Mat. xvij. Mat. x. Luce. xix. die weil ym dan also
 ist on alles wider sprechen / wie wollen dann die doctores
 auff den hohen schulen / solche gotts lesterung vor
 gott verantwurren. Welche yetz geschicht on glaubē
 so es doch ganz vnd gar kein nütz ist / wo der glaub
 nit ist. Ja auch von altenleuten / ich geschweig das
 man es den kindern gibt / dann der da glaubet ym
 Herzen der müßz auch bekennen mit dem munde /
 Nün können ye die kindt zu vor nit redē / o wie reimpt

sich das so hübsch mit den worten Pauli/ daß wo der Leib Christi wer zu niessen vnder dē brot on glauben/ so hert Judas auch dē Leib Christi entpfangē/ als wol als die anderen. **vj.** Aber durch sein vnglauben entpfing er dē teuffel/ als wir hant Joan. **xij.** vnd darumb zeygē die schülzener an/ das sye nit vil hant gelesen in der Bibel. Es würt auch in solchem an gezeigt/ d; weder Papst/ noch Keyser/ nach Cösilium/ nach alle doctores/ auff den hohen schülen/ die die heylig geschriffte noch nie haben verstanden/ vnd zu vor etlich hundert jar auff disen heiligen tag/ vnd zu vor das. **26.** capitel Mat das. **14.** Marci das. **22.** Luce das. **12.** im andern büch Moisi/ vñ das. **v.** vñ das. **11.** **1.** Corinth/ welche sybē capitel alle dar dienen zu dē verstand des leibs/ vnd blüts Christi/ welches wir Christen in einer Übung hand auff gesetzt von Christo Ihesu vnserem Herren vns zu einer gedechtniß als ein sigel an ein brieff/ daß durch die niessung des leibs Christi vnder dem brot sollen wir ingedencē sein der menschenwerdung Christi/ vñ so wir trincken das blüt Christi vnder dem wein/ so sollen wir eingedencē sein des leydens Christi/ vñ so sollen gedencē an das vnschuldige blüt welches Christus vergossen hat zu einer erlösung für vil.

Das vj capitel.

Mün hörendt ir lieben brüder/ wie dise. **vj.** vorgemelte ca. sich so garnit vergleichen mitt vnseren doctores vñ nemblich die wort Pauli. **i.** Corint. **v.** dann sanct Paulus spricht nit das das brot nimer brot sye. dann er spricht vnder dem brot sye die gemeynschafft. des leybs Christi wie ir daß ein vorgemeltē exempel gehört hand. **S.** Paulus spricht nit als vnser doctores spreche. daß er verwirfft hye das fleysch/ so muzen es dise auff/ dann

die gotlosen sagen. das brot des altars sye fleisch so sagt
 sanct Paulus vom leib vnd verwirfft das fleisch. dan
 er spricht. sehen an den Irabel nach dem fleisch. als ob
 er sprach. Iesum hat gehabt ee d welt grundt
 gelegt wurde. das ist die gemeinschaft des leibs Christi
 gewesen. in seine fleisch. welche gemeinschaft wir niess
 sen im geyst vnder dem brot des altars welche gemeyns
 chaft des leibs Christi im fleisch. vnd welche gemein
 schaft des brots im nachtmal welchs wir niessē im glau
 ben vnd im geyst ist ein gemeynschaft. vnd ist gott selb
 ber. vnd das es aber war sey so gibt mir es. **S.** Paulus
 zu verston mit ein exempel. da er spricht. ist im nit also
 welche die offer essen seind die nit die gemeinschaft des
 altars. als ober sprach. was wer der altarnutz. wañ nit
 einer wer verordnet der dz ampt vol brecht. zu welchem
 der altar gemacht ist. als ob. **S.** Paulus sprach. der al
 tar wer für sich selbs. vnd nit jemand. das ist so vil
 Christus Ihesus vnser lieber herr. ist dereinig priester.
 vnd gott ist der altar. von welcher sanct Paulus hie redt.
 auff welchen alle offer des gesatz gelegt sind. Nun aber
 so Christus der einig recht war priester kumen ist. so hat
 er alle offer gessen vnd verschlunden vnd auff gehabt
 dan wo das nit wer geschehen. so wer der altar für sich
 selbs gewesen. das ist gott. wer got gewesen in ewigkeit
 aber alle eufferliche offer im gesatz hatten vns nit selig
 gemacht. vñ wer alles vmb sunst gewesen. als wir hand
 Roma. viij. aber die offer zur seligkeit hand wir zu nem
 en. Roma. xij. es möcht aber die weder parthey sagen.
 was mich bewegt solchs an zu zeygen. ich antwurt. ich
 acht das. **S.** Paulus bewegt hatt darvon zu reden. das
 hat es mirs auch gethon. vnd ich antwurt also. das ich
 wol kan verston vnd ab nemen. das ein grosse leichtuerz

tigkeit ist gewesen in der niessung des leibs vñ des blüts
Christi Jhesu vnsern lieben Herren zu den zeyten Pauli
vnd nemlich bey de Chorinthern / dan ich acht wol das
es was zur solchen zeyt / das ein yede statt vnd ein yedes
land / oder ein yede nation ire eygē secten hat gleich / wie
wir yetzt auch / als dan die bohemer die mißbrauchen
den leib vnd das blüt Christi mit den kinden. Item die
Römer hand das blüt Christi den leyen ab gebrochen /
vnd den leib Christi gebunden an zeyt vnd an statt / als
auff die Ostern / vnd auff etlichen fest tagē / aber die Chri-
stliche gemein yetzt in disen zeytē / die braucht ir Christi-
liche freyheit in der niessung beid leibs vñ blüts Christi
vngewunden an die zeyt / sunder freynach der regierung
des heyligen geists / nit gebunden an zeyt oder an statt /
sunder es sol ein yeder das gewislich wissen vñ glauben /
wo vnd wan der heilig geist in ym regiert / das er stracks
niesset den leib vnd dz blüt Christi / er sye dan wo er wöl /
ja sprichstu / wie kan ich aber wissen oder den geist gottes
in mir entpfindē / ich sag also wan du Christ glaubiger
bist vngedenck in deinem hertzen an die allmechtigheit
gottes / dz er dein gnediger vatter ist / der dir wol wil / ges-
denck an die menschwerdung Christi Jhesu / vñ an sein
bitter leiden vñ blüt vergiessen / vñ an seine rodt / das er
ist begraben vnd am dritten tag wider auff erstanden /
vnd glaubest das solches alles ist geschehen / dir zu güt
das du auch wirst wider auff erston durch die auff erste-
hung Christi / vnd wie Christus ist zu himel gefaren ins
ewig leben / das du glaubst das thün durch de verdienst
Christi werdest besitzen noch disem lebē das ewig leben /
wo dan solche betrachtung geschicht / vñ in einer yns-
brünstiger hitz vnd liebe zu gott / vnd nit vermisst mit
gedancken dis zeytlichen lebēs oder der zeytliche güter /

sunder er ergibt sich dahyn das er ym wil einē abbruch
 thun das er mög leben in dem willen gotes nach aller
 vermügligkeit seiner blöden Francken natur wo dann
 solchs geschicht in des mensche hertz der mensch der sye
 dan wo er wöl er hawe holtz oder mist ein stall er wesch
 die schüßeln oder seg dz hauß er far zu acker oder meg
 auff der mattē ja wan er schon des viechs auff dem feld
 hütet wann solche gedancken in ym erfunden werden
 wie hye angezeigt seind so niesset der mensch gewißlich
 den leib vnd das blüt Christi vnd ob schon kein priester
 kein altar noch kein eüsserlich zeichē nimer da ist so ist
 doch der leib vnd das blüt Christi da das ist on allen
 zweifel war dan die eüsserlichen zeichen müssen im geist
 genossen werden des innerlichen menschen vnd nitt im
 wort dan dz wort oder büchstabē on den geist soll ganz
 vnd garnichts vnd ist ein todt wort.

Das.vj. Capitel.

Und darumb ir mein aller liebsten brüder in aller
 teütschen nation dis.v. Capitel Pauli gibt mir das zu
 verstan das Sanctus Paulus ist bewegt worden durch
 leichtnertige schmäwort vnd durch den mißnerstand
 den die Chorintzer haben gehabt in der geschriffte von
 dem leib vnd blüt Christi vnd vns würt auch anges
 zeigt das die Chorintzeren ein yrige meinung gehabt
 hand.

Was da sey das brot des altars fleisch vnd nimmer
 brot gleich wie auch ist geredt worden zu vnseren zeyt
 ten vnd solt hynfür weiter geredt werden dann ich
 hab auff ein zeyt vergangen einem priester den wein ges
 botten er solt ein eer trunck trincken nach der gewons
 heit er aber wolt nitt trincken ich fraget yn aber was
 die vrsach wer da antwort er vnd sprach ich binn noch

nüchtern / ich antwurt herr wie das ir so lang fasten er
antwurt mir / ich fast nitt gar. dan ich hab heüt nür für.
xxx. pfenning fleisch gessen / Do lieben brüder / wie off
seind solche wort geredt vnd gehört wordē. **U**ber wer da
möcht der solt blüt weinē / über solche gotlose wort / dan
es ist gewiß auch zū dēzeyten Pauli geschēhē. **D**an. **S.**
Paulus lert vns in disem vorgemelten Capitel / ein hel
len vnd claren verstandt / mitt auß getruckten worten /
was da sey vnd wie da sey das nachmal Christi. **vñ. S.**
Paulus scheid vnd reißt ab das fleisch von dem brot des
altars / er erklet aber gar hell das die gemeinschafft des
leibs Christi sey vnder der brechung des brots. dz ist got
selbs. wie obsteet / ob aber ein brüder in seynem hertzen
meint / wie ich wolt verstou durch die wort Pauli. dz der
leib Christi wer zū niessen on fleisch. so sage ich also. **S.**
Paulus spricht sehent an den Israhel noch dem fleisch /
als ob sant Paulus spricht. sehent an den Israhel nach
dem fleisch. als ob. **S.** Paulus hett geredt / wañ die clar
heit des ersten leibs nitt wer gewesen in dem andern leib
Christi / welchen er hat an sich genömen in dem leib der
Jungfrawen Marie so wer der fleischlich leib Christi
tödtlich gewesen vñ wer nitt auff erstandē / aber der erst
leib nitt seyner clarheit der ist die gemeynschafft des
fleischlichen leibs gewesen / dann der erst leib von dem
ir yetz gehört hant ist das ewig wort / von welchem wir
haben Joā. i. **D**an nach dem fleisch hat Christus alle
geberten an ym gehebt gleich als ein ander mensch als
wir dan hand Philip. ij. ob aber yemant meint. **S.** Paul
lus hab geschriben nach seinem bedunckē / wer ym wolt
gesagt haben / ob Christus menschlich geberden gehebt
hett / ich antwurt also. **S**anct Paulus hatt geredt / als

mit flügen redt ich / er meint die die in der schrift / lesen
 er meint nit die die geschriffte verachten / dan der die ge-
 schrift verachtet dem sind alle ding selzam / vñ er ver-
 stat nit was man sagt. Aber der die geschriffte liest / vñ
 liest er was / das er nit verstat / der selb soll weiter in der
 geschriffte lesen so findet er den verstand / vñ ich setz als
 so ich hab gelesen im paulo das Christus hat geberden
 gehabt als ein ander mensch / vñ ich vernim es nit recht
 vñ ich strauch in mir selber / vñ liß in der schrift vñ
 such weyter / so finde ich das der heylig paulus hat recht
 geredt. vñ ich müßz ym des zeignuß geben / durch die
 Euangelische geschriffte / dan wir habent im Euangelio
 dz Christus vnser lieber herz ist mied gewesen / da er hat
 bey Jacobs brunne gerügt. do dz Samaritanisch weib
 zu ym kam / wasser zu hole. Johan. iij. Weyter so habē
 wir vō Christo / dz in gehungert hat / als er vō Bethania
 Hiernsalē zu gieng. Mat. xvj. Item Christus ist forcht-
 sam gewesen vñ verzagt gegen seinem leiden / als wir
 hand Matt. xxvj. Do ir mein aller liebsten brüder / wie
 dö:ffen wir so gedurstig sein / das wir den heyligen leib
 Christi also dö:ffen schmecken / welcher götlich leib ist on
 wandel vñ vntödelich / vñ grifflich / vñ sichtbarlich vñ
 vñ uerweslich / vñ wir wölle in vergleichen des fleischs
 blödigkeit / ja sagē aber etliche es ist ein geistlich fleisch /
 zeig es an mit der geschriffte. so kan ichs deyster baß glau-
 ben. ich sag aber also / wir haben Joan. iij. Gott ist ein
 geist vñ hand clerlich das ein geist nit fleisch oder beir
 hat. Luce am letzten. dan diser götlich vñ geistlich leib
 Christi ist vns zu einē pfand geben im nachtmal Chris-
 ti da Christus das brot brach vñ gab es seinen jünge-
 ren vñ sprach / nement vñ essent das ist mein leib / der
 für eüch geben würt / als Luras schreibt / vñ paulus

das melde tin seinem schreiben der spricht Christus vn
ser lieber herz der hab gesprochen / essent / das ist mein leib
der für eüch gebrochen würt. Durch das wörelin brot
en oder geben / müssen wir nit verston das vns Christus
da ingesetzt hab zü ein pfand dē fleischlichen leib vnder
der niessung welche wir thün vnd dem brot des altars
sunder man müßz es also verston / als Mattheus vnd
Marcus das klor auß trucken / wie ich dar oben gesagt
hab / ein gschriffet vergleicht die ander vñ mit einer ver
stat man die ander / dan wie Lucas vñ Paulus darvon
reden / das Christus spricht das ist mein leib der für eüch
gegeben würt oder gebrochē würt. Das müß man also
verstan / als ob Christus hett gesprochen yetz ist die stund
meins vatters / in welcher stund sol angefangen werden /
vnd also hynfür auß verbracht werden / on auff hören
noch dem willen meines himelschen vatters / dann die
klarheit meynes leibs / die ich hab gehabt / ee dann der
welt grundt ward gelegt die müß yetz erscheinen in mei
nem fleisch / vnd die besizung / welche mir verheissen ist
von gott meinem himelischen vatter / durch den pro
pheten David / das ich sol sitzen zü seiner gerechten biz
che statt ich yetz würt anfahen yn zü nemmen / durch
mein todt / durch welchen todt ich würt widerumb auff
erston / vnd zü himel faren / vnd sitzen zü der rechten mei
nes himelschen vatters / aber solch sitzen / müß ich thün
mit disem fleischlichen leib / welche ich an mich genom
men hab / in dem leib der Jungkfrauen Marie / meis
ner lieben müter / als ob Christus hatt gesprochen wan
ich nit solt leiden vnd sterben / so würt ich nit erkant
als ein mensch / dann alle wunder die ich thün / die wer
den nit außserhalb an gesehen / aber der innerlich leib

in meinem fleyschlichen leib würt nitt erkant / aber die
 weil mein leib noch der menscheit nün sol vnd würt sitz-
 en zu der rechten meines himelschē vatters. **S**o nempt
 ir hyn das ist mein leib / den ich nit an mich genommen
 hab / sunder ich hab in gehabt von ewigkeit zu ewig-
 keit. **D**ann warlich Christus vnser lieber herr / er hatt
 nit anders gethon / dan als ein guter fründ / der sein güt
 auß theilet seynen erben / vnnnd verordnet einem yegk-
 lichen das sein / vñ was einē yegklichen zu stat / vnd hat
 es alles mit worten bescheidenlich vnd wol auß gericht
 als wir haben. **J**ohannis am. xiiij. xv. xvi. xvij. xviii.
 xix. **D**ann Christus Ihesus hatt wol bedacht in seiner
 gortheit / was er vns hatt verheissen im gesatz / dann es
 stat geschriben / gott wil in vns wonen.

Item gott redt im gesatz / gleich als der heylig Paul-
 us / dan gott hieß Moysi reden mit den weisen / welche
 meiner gott hie / ich antwurt / Gott spricht / das seind
 die weysen die ich hab erfüllt mit dem heyligen geyst /
 als wir hand **E**xodi. xxviii. dann es stat im gesatz / das
 gott spricht / ich will ewer gott sein / vnnnd ir sollen mein
 volck sein / vnd ich wil vnder eüch wonen. **N**ume. xxxvj.
Oo lieben brüder / meinent ir nitt das ym alle mal gott
 kan erhalten ein güt volck vnder einem bösen volck / in
 welchem gütten volck er wonet.

So nement doch ein Exempel von dem mirrisch-
 en vnnnd wider neckigen volck / das da murmēlet wider
 gott / vnd wider den heyligē geist. **A**ber Josue vnnnd
 Chaleph / die redten das wort gottes durch dē heyligen
 geist. **N**umeri. xiiij.

Ir lieben brüder die weil vns got das pfand seynen
 geist hat geben in vns zu wonen welches pfand vñ geist

ist gott selber / die weil im dan also ist / warumb nemt wir
dan de leib Christi nit nach der gottheit als mer als nach
der menschheit des fleisch / die gottheit über trifft doch weit
das fleisch vnd die menschheit / wie Christus an allen orten
im Euangelio anzeigt vñ der Euangelist Joannes
spricht am ersten das wort ist fleisch worden vñnd wir
hand sein eer vñnd herligkeit gesehen / als die eer eines
eingebornen von de vatter. **N**un so haben dise herlig-
keit vnder zwen verstand einen nach der menschheit vnd
einen nach der gottheit. noch der menschheit so hant wir
genügsam daroben gehört. das in hat gehungert. er ist
mied gewesen vnd forcht sam mit schrecken.

Das. xij. Capitel.

Weiter so ist das auch die eer Christi gewesen. dz sy
ym ein kron vff sein haubt hand gelegt / vñ hand zu ym
gesagt mit großem spot got grüß dich du künig der ju-
den / vnd aber die selben krigs büben hant Christu vn-
seren lieben herren in sein heyligs angesicht geschlagē.
Joan. xix. **W**eiter so ist das die eer vñ herligkeit Chri-
sti gewesen in der menschheit / das er ein vermaledeyung
ist worden für vns vnd ist gehemert worden auß holtz /
dann es stat geschriben / verflücht ist bey got / der da am
holtz hangt. Deutero. xxj. aber die selb vermaledeyung
hat Christus an sich genömen / auß das da erfüllt würd
en die wort des engels / da er spricht zum Joseph vnder
andern worten / du solt yn heissen Ihesus. dan er würt
sein volck selig machen von iren sünden. **M**att. i. nit
das solche wort geredt oder gedeüt auff die Juden dan
er verheissen war als sein volck. auch sind sey nit geredt
oder gedeüt auff vns gemeint den Christen. **A**ber es ist
geredt von allen denen die da glauben das Christus der
herr sey / von welchem glauben ir genügsam haben anz

gezeygt/ als ir hant gelesen/ von der rechten woren nissung beyd leybs vnnnd blüts Christi/ welche beyd leyb vñ blüt Christi ewiglichen nit mögen genosse werden vñ den rechten glauben/ vñnd welcher mensch den selz be glauben nit hatt/ der zū der niessung gehört der wirt bey gott dem vatter nit erkant. Als ein Christ/ dan vil seind beriffe vñd wenich außser welt das ist vil hant den nammen hye auff erden/ Aber bey gott seind sye nit erkant. Weyttet so ist die vermaledeyung wie ob stat von Christo geschehen an dz holz/ für die sünd seins volcks/ auff das da erfüllt würt das erst Euangelium/ da gott spricht zū schlangē/ der somen des weibs sol dir dein haubt zerknitschen/ vñd du wirst im in sein ferffen beyssen Genesis am. 3. Welche biß der schlangen/ Christus vnser lieber herr hat gezeygt seinen jüngerem/ do er sprach sehent mein hendt vñd syeß. Luce am letste. Als ob Christus herr geseyt zū seinen jüngerē/ Dis seind die biß der schlangen/ von welchen geredt ist/ da die erste zwey menschen würdē auß dem paradiß gethon/ durch die vngheorsamkeit. Vñd die selbige biß der schlangen werden wir alle sehen/ gleich als wol als seine jünger es gesehen hant/ als ir hernoch hören werdē in disem büchlin. Nün hant ir/ in theyl gehört von der eer vñd herrligkeit Christi nach d menscheit/ es ist aber auch ein geistliche herrligkeit/ von welcher wir yetz hören werden.

Zum ersten spricht Christus in diser nacht werden ich vñ alle sam ergerē an mir Matt. xxvj. Dan es statt gescriben ich werd den hirten schlagen vñnd die schiff us werde zū strewet als wir habē. Zacha. viij. als ob Christus hat geseyt/ yetz ist die stadt meins vaters in welche er mich geben hat/ vñ vmb welcher stund willē ich komē biñ/ als ob Christus hette gesagt/ biß hāt biñ ich offte

gewichen dan mein stund war noch nicht yetz aber ist die
zeyt dz der wil meines vatters an mir sol verbracht wer-
den vnd mit ein solchen erschrecklichen anfang dz sich
vil an mir ergeren werden die mein wort gehört hand/
vnd mein wider gesehen hand vñ nit allein andern lei-
ten / sunder auch ir meine jünger vnd etlich werde mich
verleüeken. Do ir lieben brüder / ist nit in dem selbē fall
als Judas den Herren Ihesu verriet mit dem fuß / der
hirt geschlagen worden vñ die schaff seind zerstreit wor-
den / dan Petrus verleüget den Herren mit ein schwür /
hat yn nye erkant. Mat. xxvj. Weyter spricht Christus
in den zweyen Euangelisten vorgemelt / aber ich würt
eüch vor geen in Galilea als ob Christus sprech / sy wer-
den an mir volbringen / alles was sy gelust / biz das sie
mich getöden / vnd dan werden sy wenen es sey schon
auß mit mir / vnd nit allein der böß gottloß hauff / sun-
der auch ir / ich aber sag eüch das ich eüch werd vor gon
in Galilea / auff das so ir mich werden sehen. das ir glau-
ben / das ich sey der sün des lebendigen gottes / welche
geistliche vñ görtliche herligkeit Christus hat erzeigt /
vnd ist erschinnen in Galilea. Mat. xxvij. Weyter so
hat er sein eer vñ herligkeit erzeigt / in dem das er vom
todt ist auffstanden vns zü güte dz wir am jungste tag
werden auch auffstox / vnd mit Christo besitzē / das
ewig leben alle die da den rechten gläubē habē / es möch
ten aber etliche mensche meine. ich wolt den leib vñ das
blüt Christi abtün zü niessen vnder de brot vnd kelch
des altars / vnd ich wolt beyde den kelch vñnd das blüt
auch abtün / vñ zü nicht machē / als ob es nit nütz wer-
ich antwort nein / das sey ferz von mir / das solliche solt
von mir gehört werden / das ich armes würtlin vñ ver-
damte geschöpff solt die hohen vñnd theüren wort got

res meins schöpffers solt zu nicht achtē oder vnder ston
 zu machen / welche da geredt seind ym nachmal durch
 Christum Ihesum vnsern Herren / wie obsteet / aber eins
 ist not einem yeglichen vnd allen denen die sich vnder
 zeigen zu lesen in der heyligen geschriffte oder sunst dars
 von zu redē / dz syergentliche wissen / wañ ob wa die ges
 chriffte redet von Christo / oder die geschriffte deutet auff
 Christū / das ein yeglicher wiß wañ die geschriffte redet
 von der menscheit / oder wañ die geschriffte redet von der
 gottheit Christi / dan dz ist dz fürnelichest vnd dz grōst /
 das ich acht es hab fast seer verhindert / den verstande
 görtlicher geschriffte / als ich eüch hye bescheide wil mit
 gar kurzen worten dan Christus ist war gott vnd mens
 sch / das ist on alles wider sprechen.

Wün mercken auff mit fleiß der küniglich propheet
 Dauid spricht. Der herr hat gesagt zu meinem herren /
 setz dich zu meiner rechte / big das ich dir lege dein feind
 zum schemel deiner füß. cxc. **H**yeredt gott durch den
 propheeten von der himelfart Christi / vnd von der men
 schheit Christi / es möchte einer fragen / warumb Dauid
 herr geredt / der herr hat geredt oder gesagt zu meinē. **I**
Jch antwort also / das Dauid hatt geredt nach art der
 geschriffte des gesatz / dan im gesatz vnd in den propheet
 ten spricht got zum merern teil / ich ich bin der herr / dar
 umb nennet der propheet Dauid gott einen herren / das
 aber Dauid spricht / der herr hat gesagt zu meinem her
 ren / yn dem erzeyget der propheet Dauid seynen glaus
 ben / den er hatt an den verheissenē Messiam / dan Das
 uid hatt wol erkante ym geist / das der somen des weybs
 müst dem schlangen den kopff zerknischen / auch hatt
 Dauid glaubt der heyligē geschriffte / wo sye hat gesagt /

von der mensch werdung Christi / als nemlich. **D**sec. yf.
Wische. v. Esa. vij. dan David zeigt an in de vor gemel
ten Worten / das er hat glaubt vnd verhofft selig zu wer
den / durch den verheiffenen Messiam / welcher ist Chris
tus / dann David hatt wol erkant ym geyst. das Chris
tus hat müssen die versöhnung thun got dē himelschen
vatter für vnser sünd / des halbe in David billich einen
Herren nent. dan. **S.** Paulus hat auch auff dise weis ge
redt in seinen Episteln / als nemlich. i. Corinth. i. da er
spricht ich danck meinē got. **ic.** das aber dise angezeygte
wort deuten auff die menscheit Christi / vñ auff die him
melfart Christi / das ist vns gar hell vñ d. clar angezeygt
Hebre. x. die weil ym dan also ist / dz Christus nach se
nem leiden sol sitzen zur rechten seines vatters / es spricht
doch Christus / ich bin bey vch biz auff s ende der welt.
Matt. xxvij. ich antwort also Christus spricht mir ist
aller gewalt in himel vnd auff erden gebē / hie ist zu ver
stan / als ob Christus hat geredt mit auß getruckte wort
ten / ich bin got vnd ein mensch vñ darumb so würt ich
regieren in dē hauß meins vatters / bis dz ich über wun
den werd mit meiner gschriffte alle die da wiß mein wort
strebē. **D**a aber Christus spricht ich bin by vch bis auff
das end der welt / dz ist so vil / als ob Christus sprach. got
hat mich geordnet durch den prophetē an gezeygt / das
ich sol sein ein ewiger priester nach der ordnung Melch
sedech / on vatter / on müter / vnd on geschlecht / dan ein
ewiger priester hat weder anfang der tag. noch ende des
lebens / als wir hand **H**ebre. vij. **N**ün folget ye auß diesem
gar hell vñ klar / so wir Christus wölle noch teglich bey
vns haben für einen ewigen priester / mit seine leib nach
der mēschheit / als dan die gottlosen sagē er sy in der hofft
en nach dē nachtmal Christi mit alle fleisch seiner mens

schein. So ir geliebten von gott vn̄ ir lieb haber Christi/
 bedenc̄ē bey eüch selbs/ vn̄ ein yeder bey ym selbs/ was
 jamer vnd not biß h̄r geschehen ist/ vn̄ noch teglich ge
 schicht/ ja auch was groffen abbruch des Christlich en
 glauben biß h̄r ist beschehen/ vn̄ geschicht noch teglich
 v̄ Türcken/ Th̄rern/ Kriechē/ Juden vnd Heide/ dan̄
 man müß lang dz Euangeliō predigen/ ee das die auß
 erhalb des Christlichen glaubens seind worden/ vn̄ senn
 Christlichen glauben annemen/ es sey dan̄ sach dz man
 vnder scheid die menscheit vnd gottheit Christi/ dan̄ ich
 gestatt vnd laß wol zū/ das man sag/ welcher da niesset
 das brot vn̄ dē kelch oder dē becher des nachtmals Chri
 sti vn̄ niesset es im glaubē/ der nüßet beyd dē leib vn̄ das
 blüt Christi/ dan̄ die weil der mēsch den leib vn̄ dz blüt
 Christi wol kan niessen zū aller zeyt durch den glauben/
 warüß wolt ers dan̄ nit auch niessen in dē selbē glauben/
 im nachtmal Christi/ dan̄ Christus hat vns dz pfandē
 seinen geist nit geben als seinē leib nach dem fleisch/ das
 da sey im brot nach dē nachtmal Christi/ der leib Chri
 sti im brot als groß als er sey am Creüz gehangen/ mit
 aller seiner mēschheit/ solche wort seind nit wol zū dulden
 vnd ich laß sye nit zū/ als ein Christliche leer/ dan̄ durch
 solche leer würt zerstört der Christlich gläub/ ja es würt
 auch zū nicht gemacht die himelfart Christi/ vn̄ die zū
 kunfft Christi des letzte v̄teils/ dan̄ wir wissen er sol h̄r
 wider kommen mit dem leib seiner menscheit/ wie er h̄ye
 gewesen ist/ vn̄ wie in seine jünger gesehen habē/ als wir
 hand. Act. i. es würt auch nit allein verleügt durch solche
 wort/ wie obsteet die himelfart Christi/ sunder es würt
 auch verleüget die menschwerdung Christi/ es würt
 auch verneint das die Junchfraw Maria sey ein müter
 Christi vn̄ sers lieben Herren.

Das viij capitel.

Dañ ich hab offtegehört, das die juden sagen / der ewig priester nach der ordnung Melchisedech, der soll sein on vatter, on mütter, on geschlecht. Es sol niemant wissen seinē anfang, nach sein endt. Dañ also ist Melchisedech ein vor bild Christi gewesen noch der gottheit, dañ es stat geschriben Melchisedech sye vergleicht dem sün gortes, Hebr. vij, welches wörtlin vns anzeyget den leib Christi, der vns warlich ist geben zū empfang / vnd zū einer niessung im glauben, vnd im geist, dann das wörtlin sün gortes / zeyget vns an den götlichen leib / welchen er gehebt hat mitt seiner klarheit / bey gott seinem himelschen vatter, ee der welt grund gelegt ward / als wir hand, Joannis .am. xvij, vnd ym. cix, psalmen David / dañ wo die geschriffte von Christo redt vnd redet von dem sün des menschen / da müß man verstont die menschheit Christi. Nun so wir Christum wollen haben / nach dem fleisch der menschheit Christi zū einem ewigen priester, so müß die Jungkstraw Maria nit ein müter Jesu sein / oder müß das. vij. Capitel zū de Hebr. ern falsch sein / dañ es stat in dem selbē Capitel, das vns der ewiger priester Christus soll sein on vatter / on mütter / dañ im ersten capitel Mart. müß auch falsch sein / dañ im ersten capitel Mart. hand wir von de geschlecht Christi nach der menschheit von de geschlecht der Jungkstraw Maria der müter Jesu / aber so wir die geschriffte recht versthan vnd recht anß legen / so ist das erste Capitel Mart. bey noch das größt vnd herlichest capitel vns der allen capiteln Mart. vñ dz. vij. capi. Hebr. e. des gleichē / dañ das selbig. vij. capitel, ist so hell vñ clar an gezeygt / es künd nit heller vnd clarer an gezeygt sein / ja weñ es schō ein engel vñ himel gschribē hert. Es möcht

aber einer sagen / warüb ich die menschheit Christi vñ die
 gottheit Christi also wolt vnder scheidlich mache / od wie
 semlichs zü ging / ich antwurt / ich thuns nit die geschriffte
 thurs als nēlich 2u. 2. vñ. i. Cor. 11. Ist im nit also / ein
 berck herz grabt ertz / vñ so er das ertz fundē hat / so ist nit
 allein / sunder es ist vermist mit eyßen od was es ist noch
 seiner art. Nun weiß d berck herz wol was dz gewigt ysen
 od kupffer thut od gilt / ein yeglichs für seinē wert / auch
 weißt er was das gewigt silber gilt / noch kan er nit ein
 yedes zü sein statt brauchē / es sy dan zü vor ein zerbrech
 ung vñ ein zerteilüg geschē dz eins vō dē andern werd
 ab geschēidē dan so es bey ein ander bleibt / so wer es nüt
 ertz / lust ist es silber / vñ yße vñ kupffer zyen bley od mess
 nach seiner art dz thut die zerteilüg / dz mā ein yeglichs
 absündert / dan Christus spricht es sye dan dz des weiße
 kornlin faul so bleibe allein vñ bringt kein frucht / dz ich
 aber dise gleichnüß geredt hab / von dem weyssen korn /
 vñ von dem ertz / das vergleich ich hie auff Christum /
 dan wan Christus wer bey vns bliben in der menschheit /
 biz auff s endt der welt / vñ hat nit gelitten / so wer das
 weyssen korn allein bleiben / vñ hat kein frucht bracht /
 dan es stat geschreben / Das Christus sein volck soll er
 lösen von seinen sünden / mit seinem leiden / als dan die
 geschriffte an allen orten vil anzeygt / das aber Christus
 hatt müssen erkant werden / als gott vñnd mensch / das
 hatt nit sol en können oder mögen sein / es sey dann zü
 vor ein zer brechung / oder ein zertheyllung geschē /
 auff das man ein yegliches geben werde oder erkande
 werde / da hyn es gott ver ordnet hatt. Silber ist ein be
 ricklichelofung welche wir sollen brauchen in brüder
 lieber lieb / dar zü hat es got geschaffen / yßen das man dz
 feld mit banwe. brot das man eß / vñ den wein soll man

trinken / dazü hat gott ein yegklichs geschaffen / Aber
der leib Christi mit seinem fleisch / nach der menschheit sol
sitzen zur rechten gott seins vatters / vnd der leib Christi
nach der gotttheit / sol bey vns bleiben biz auß endt der
welt / Mat. vlti. vñ der selb götlich leib ist vnser herr vnd
ewiger priester / on vatter / on mütter / on geschlecht / er
hat nit anfang der tag / er hat auch kein endt des lebēs /
Es möchtē aber erliche brüder sagen die weil im danñ
also ist / das Christus ist mit der menschheit des fleisch zü
himel gefarē / als wir hant Luce am letsten. Marci. 16.
vnd. Act. 1. vnd er sitzt zü der rechten seins vatters / biz
im sein feind zü einem schemel seiner sieß gelegt wer-
dē / dz ist / biz dz alle geschriff aller heiligē gores prophe-
tē wider herfür bracht werd / in Act am. 3. ca vñ die weil
im danñ also ist so möcht ein brüder sagē / ist danñ der göt-
lich leib vns in gesetzt im nacht mal Christi zü niessen in
dem brot / solt es danñ vn gerecht sein das man den selben
leib vnd dz blüt Christi instelt / anbett vnd eeret / ich ant-
wurt ich hab daroben gesezt in dissem büchlin / das vn-
ser niessung beyd des leibs vñnd blüts Christi / müß im
glauben geschehen so sprichstu wañ spricster die wort
der benedeyung spricht / über das brot / vñ über dē kelch /
so ist der leib vñnd das blüt yez stracks da / ich antwurt /
Nein / danñ die niessung des leibs vnd des blüts Christi /
welche ich selbs thū die stat nit in eins anderē wort / sun-
der sey steet in meim selbs eygen glauben / ja sprichstu so
ich danñ glaub in mir selbs / dz der leib Christi / sey in dem
brot / welches über bleibt in dem nachmal Christi / solt
es vnrecht sein / ich antwurt ja / Sprichstu gott ist alle-
mechtig vnd er vermag meer dann das / ich antwurt ja /
got ist almechtig / vñnd so almechtig / das er ym kinder
Abrahekan erwecken auß den steinē / got hat aber noch

mit kinder Abrahe auß dē steinē erweckt. dan er hatt on
 allen zweyffel noch biz h̄r kinder Abrahe gehebt. vns
 ist auch in der ganzen bibel an kein ort angezeiget. das
 gott wil Abrahamis kinder erwecken auß steinē / also ist
 es auch h̄ye. dan gott ist wol mechtig. dz er kan sein mit
 sein leib vnd blūt im brot vñ im kelch so da über bleibe
 nach dē nachmal Christi. aber er hats auch nit gethon
 er hat auch nit geredt dz ers wölt h̄n / er hat wol an ges
 zeigt in der bibel dz er es nit wölt h̄n. dan er spricht. ich
 wil nit in tempeln wonen die mit henden gemacht sind.
 Esaie. lxxj. Weyter so folget auß dē yn stellen des brots
 des altars. das man den leib Christi dan tregt auff den
 gassen. so doch got spricht. ich wil euch tragen alle ta g
 der welt. Esaie. lxxij. vñnd darumb liebē brüder. so sag
 ich ein yegklichē. dz er nit die almechtigkeit gottes mis
 brauch zu seinē vngegrüntē verstād. welcher verstād ist
 wider die geschriffte. wilt du aber die almechtigkeit gots
 annemen. als dir vñ ein yeden Christē gebürt. so nimm sy
 in dem an. so ich sag ein Christ gläubig mensch so er will
 niessen dē leib vnd das blūt Christi. dz ers nūß im glanz
 ben. dan so erken die almechtigkeit gottes. dz ym mūg
 lich ist den leib vnd das blūt Christi vns zu geben vñ zu
 niessen im glaubē. dan solchs ist grüntlich vnd schrift
 lich angezeigt. Dan Christus Ihesus vnser lieber herz
 hat es als wol künne consecriere oder benedeye mit einer
 danck sagüg im geist. als die yzigē priester. aber es hat
 in dz nit geholffe. wie wol Christus sprach. Nemet vnd
 essent dz ist mein leib. so hat doch Judas dē leyb Christi
 nit genossen sunder er hat dē teüfel empfangē. Joan. 13.
 so nu die benedeyüg Christi dē Judas nit hat geholffet
 seines vnglaubens halbē. wie vil ist es mit vns also. in
 summa die wort Christi. Lu. 22. da X̄us spricht. Nemet

vnd essen das ist mein leib der für eüch geben würd/ das
ist so vil/ als ob Christus hat gesprochen. dz einig weissen
korn bringt kein frucht/ vnd das erz mag auch nit kom
men da hyn es got verordnet hat. es sey dan geteilt mit
einer zerbrechung vnd auß theilung ein yedes an dz ort/
da hyn es von gott verordnet. Es möchten aber etliche
sagen/ sol dan das brot vñ der kelch im nachtmal Chri
sti/ welches wir nennen ein mess. nit da sein/ oder was ist
es nütz/ ich antwort also. gleich als wie dz volck vñ Isra
hel das osterlamb assen alle jar ein mal zu einer gedecht
nüß der entledigung des dienst Pharaonis/ also ist vns
geben das brot vnd der kelch des altars/ das wir da bey
sollen gedencen der menschwerdung Christi vnd seins
blüt vergiessens/ durch welchs blüt vergiessens wir sind
geführt auß dem gewalt des teüfels/ vnd darumb spricht
Christus/ thuns mir zu einer gedechnüß. Lu. xxij. aber
ich acht das solche vnnütz wort vñ de leib Christi in dem
eüßerlichen brot/ welches von vil kö: nlin ist gemacht/
zu ein brot durch die werck der hende/ ich acht es sy ebe
zu den selben zeyten Pauli gewesen/ als yetzt zu vnseren
zeyten etliche hundert jar. Dan sanct Paulus redt gar
vnd ganz herzlich darvon da er spricht/ wir vil sind ein
brot vñ ein leib/ die weil wir alle eins brots theilhafti
g/ seind/ sanctus Paulus redt nitt hye von dem brot
des altars dann Christus/ hatt nye kein seligkeit oder
verdammnüß hieryn gesetzt/ da er sprach. Niement es
sen das ist mein leib/ trincken das ist mein blüt/ er hatt
es geben zu einer gedechnüß aber sanct Paulus redet
hye von dem brot des lebens/ das ist der lebendig glaub/
Joannis am. vj.

¶ Das. xiiij. Capitel.
¶ Wir lieben brüder in Christo/ wissent ir nit das die

geschriffte sagt wer da nit glaubt der ist schon verdampft.
 Marci. xvj. als ob der heylig Paulus sprach wir alle die
 da glauben seind dz brot / in dem der leib Christi wonen
 wil / nit der steinē tempel oder dz würcklich brot / welches
 alles muß mit hendē gemacht werden / dan wir sind nit
 mit henden gemacht / wie Paulus spricht. ij. Cor. v. Es
 möchten etlich sagen / ich wolt vns mensche zū tempeln
 gots machē / als ob d̄ geist gots solt in vns wonē / ich ant
 wort / wer Christus geist nit hat der ist nit sein. Ro. viij.
 wissent ir nit dz ir gottes tēpel seind / vñ das der geist got
 tes in eüch wont. i. Cor. 3. aber hye würt nür vō den gläu
 bigen gered / dan die weil die glaubigē eins mit got sind
 so sind sye in got. Act. 17. sind wir dan in got / so ist got in
 vns dan Christus spricht / ir in mir vñ ich in vch. Joan
 i 4. aber es sol kein rechter Christ begeren zū forsche oder
 zū erfaren / wie semlichs zū gang / sunder er soll glauben
 vnd nit dar an zweiffeln / er soles der almechtigkeit gots
 tes zū geben / vnd sein vertrauen vnd hoffnung in gott
 setzen / dan alle die in gott hoffen / die werden erfrewet /
 das ist so dir ein zweiffel wider in kem wie es zū gang das
 gott solt in vns wonen / vnd aber du lengst dich auff die
 almechtigkeit gottes. vñ du setzest dein vertrauen vnd
 hoffnung in gott / so wirstu erfrewt in dir / vñ lobest got
 vnd dann wonet gott in dir / als wir haben im. v. psal
 men David / ob aber yemant meiner solches wer geredt
 auff unsere selen / nach disem ab scheidē vnd nit in disem
 zeylichen leben / so antwort ich ein yeder lüg dz er nit ir
 oder das er nicht einen verstandt neme / außershalb der
 geschriffte. Dan der heylig apostel Paulus / spricht kler
 lich zū den glaubigen / wissent ir nitt das ewere leib seind
 ein tempel des heyligen geysts / welcher heyliger Geyst /

ist gott selbs. i. Cor. vj. das wir aber die tēpel gottes sind
vnd das der geist gots in vns wont. das hand wir klar-
lich im paulo. i. Cor. 3. Dañ Christus spricht er wöl mit
aller seiner klarheit in vns wonē. Joan. 17. dañ wir men-
sche alledie da an Christū glaubē sind geschaffen/ dz wir
sollen wachsen zū einer behausung gotes. Ephe. ij. Es
möcht aber yemāt sprechē/ ob paulo meer zū glaubē sy
dañ alle andern aposteln/ vñ ob dise ding meer müssen
verständē werde vñ vß gelegt durch dē Paulū dañ durch
andere geschrift/ ich antwurt/ wissen ir nit dz der heylig
Paulus berufft ist durch die stim gottes. Act. 9. dann die
stim gottes hat geredt dz Paulus sol sein ein außerswölt
vaß aller gläubigē/ vñ sol sein namē tragē für alle heidē
vñ künigē/ vñ vor dē kindern vō Israhel. dz ist so vil dz
der heilig Paulus ist berufft vñ erwölt vō got dē herē zū
ein instrumēt gotes/ dz er alle schrift sol vstendig machē
en alle völcern/ dañ dz wörtlin da got spricht. **S.** Paulus
sy sein vß erwölter ristzūg/ dz ist so vil als ob got hat
geredt zū Ananias/ alles was ich hab geredt im gefas/
vñ in den propheetē. vñ in dē Euangelistē/ dz sol Paulus
mein knecht offenbaren für alle andern/ dañ dazū hab
ich in erwölt vñ angenōmen als meinē diener. vñ darūb
schreibt sich d heilig Paulus ein knecht Ihesu Christi/
Philip. i. Ro. i. ob aber yeman meint ich hat mit schrift
wol vnd genūg angezeigt. dz wir dz eüsserlich brot werē/
in welchem brot dz recht Sacrament od die heimligkeit
gottes wont/ welches ist d geist gotes. vñ got selbs/ aber
in dise werde etliche vnnütze schwezer sagē/ diser wil die
menschē zū götter machē/ es ist allzeit biß hār nüt ein
gott gewesen/ nüt aber werde vil götter sein/ vñ diemens-
schen werde sich des über hebē/ ich antwurt. ich hab kein
nen mēschē zū ein got gmacht. sund die schrift hats ges

thon. welche ist geschriben vō got durch dē heyligē geist/
 dan wir hand klarlich in paulo dz vil gōtter genēt sind
 durch die geschriffte. aber es ist nit meer dan d̄ eyniger got
 .i. Cor. 8. Es möcht einer sagen ist im dan also/warūb sag
 gest du die schriffte nent vns gōter/ so doch nūr ein got ist
 ich antwort/ sol ich dan dē geist gotes dē mund verstopff
 en/ oð sol ich die geschriffte verhelē/ dz sy ferz vō mir/ dan
 wir hand im gesatz/ dz got spricht zū Moisi/ sihe ich hab
 dich zū einē gott gesetzt. Exo. vij. vñ got nent die richter
 im gesatz auch gōtter Exo. 22. welche sprūch d̄ heilig pro/
 phet David auch anzeigt. 81. psal. ja sprechē aber etliche
 man sols den mensche nit so gar offenbarē/ es sy nit gūt
 die mensche werde sichs über hebē/ ich sprich wan es böß
 wer/ so wer es nit geschriben in der bibel. Dan alles was
 in der bibel geschriben stat/ dz ist vns zū gūtem geschriben
 vnd das wir aber wissen das es gūt sey das mā dar
 von schreib/ so hats vns Christus angezeygt. Joan. x.
 Christus spricht ich hab gesagt in ewerē gesatz/ ir seind
 gōtter. dan so die geschriffte die gōtter nent zū welche das
 wort gotes gesagt ist das ist so vil wan wir dz gots wort
 hōrē vnd dz selb thūnt wie Christus spricht. Joan. 13. so
 sind wir in got vñ got in vns dan wan wir vns wöllē er/
 gern ab disen wortē/ so werē wir zwar böser dan die Jūdē
 vnd die phariseer/ dan wir lesen Joan. x. dz die jūdē vnd
 phariseer haben ein gespōt oder ein leichtuertigkeit mit
 Christo getriben. vmb der wort willē ir sind gōtter/ sun
 der sye lieffen den zweck stecken/ dan sye getrautē in nit
 herauß zū byßen/ aber sye sūchten dē Herzen Ihesum in
 ein ander zū ergreifen/ ob aber yemāt wer der sich wolt
 erheben mit diser schriffte/ vnd wolt sich got vergleichen
 dē würt gewißlich geschēhē/ als Lucifer geschach/ dan
 wer sich erhebt d̄ würt genidert/ vñ wer sich ernidert der

wirt erhö che dz ist so vil ein främer Christ sol sich demü-
tigē wie Xūs / er sol gedencē an sein böse natur / welche
ym ist an gebore vō Adā hatt er aber etwas götliche in
ym dz da güt ist. so sol er sich demütigē vñ erkennē / dz er
es nit hat von im selbs / auch nit durch seinen verdienst /
sunder hats durch die gnad vñ barmherzigkeit gotes /
vnd durch den verdienst Christi. vnd darumb so sol ein
Christ gedecē an die wort Christi / dan Christus spricht
ich bin senfftmütig / vñ von Herzen demütig. Mat. 23.
dan wen sich ein rechter Christē mēsch also demütiget /
vñ ernidert / so würt er erhöht nach disem zergengliche
leben auß gnaden in das ewig leben. Amen.

Dis ist ein beschluß redt über dis bücklin / aber es ist
ort allē zweyfel nicht in disem bücklin / das da wider die
eer gots ist / oder wid die heylig geschriffte so auch nit wi-
der dē verstant der geschriffte vñ wort Christi. aber es ist
wider den mißuerstant vñ wider dē mißbrauch als dan
ein lange zeyt geschēhe ist / vō welchem wol hie grobliche
zü reden wer / aber ich wils dem vrtail gots befelle / Dan
gott spricht die rache ist mein ich will vergeltē. zū irer zeit
sollen ire füß glütschen / dan die zeyt irs vnfalls ist nahe
vñ ir Einstrick eylt er zū Deut. 32. Dz ich aber so fast vñ
vil in disem bücklin hab geschribē von dē Sacrament /
nitt das ich es hie schriffelicher wiß ein Sacrament nēn
sunder noch vnserem langē brauch. aber zū solchem hat
mich bewegt / die vnchristliche. heydnische. abgöttisch /
vñ verfürische leer. so wol verfürisch. Ist aber dz nit ein
arm ding / das man vns armen Christē hat gewissen ein
got an zū betten vñ zū erē / da kein got ist. Item sye hant
vns arme Christē auch beredt dē tempel gots zū erē vnd
sye zū zieren mitt gelt vñ güt / da doch der tempel gottes
nitt ist / sunder es ist stein vnd holz / vñ ein werck der henz-
den aber dē rechtere tempel gots hant sye endt eert vnd ges-

schent mit irer falschen verwenten keüschheit / ja sie hant
 auch dē rechte tēpel gots nit geziert mit narung / sunder
 sy hant in betrogen vmb dz sein mit der luge dz dē heyligē
 tempel gots nit wolkan d milch pfening dē kind in
 d wagē bleibē. **D** wir ellēde leüt / wie vō einer grose höhe
 in so tieffe sind wir gefallē ist es nit dz wir seind zū erbar
 men vō allē vōlckern / das wir Christē die wort Christi.
Mat. 26. nach nie hād verstädē nū vil hundert jar / so aber
 vey d verstäd des tēpels gots wirt angezeigt on alles wider
 sprechē / so setz mā sich dar wi d vñ erwā zūm teil die am
 meistē die es am aller wenigstē thūn soltē / dan so schon
 kein allegori od v̄flegüg in disē büchū wolt an genūmē
 werdē vō mir als vō einē vngelertē baurē / so wil ich doch
 kurz beschliessen. ich setz also es k̄upt mir einer zū gegē d
 heist. Peter Baur. vñ er spricht zū mir. Clemēs. ich hab
 mitt dir zū redē. od zū disputierē. ich sprich gern / er aber
 spricht / warüb sprichstu in dē brot vñ kelch des altars sie
 nit d leib vñ dz blūt Christi weyst du nit dz X̄us zū seinē
 jüngerē sprach. essent dz ist mein leib trinckē dz ist mein
 blūt. **Warüb** wilt du es anders machen ich hab doch allē
 weg gehört / es folge v̄s den selben worten / das sye habē
 gessen. dē leib Christi mit dem fleisch vñ habē sein blūt
 getranckē / warüb wilt du es vns nit also lassen / ich ant
 wurt also / mein lieber. **P. B.** wilt du dich nit lassē berich
 tē mit diser meiner gschrifft / so laß die jünger gessen han
 fleisch vnd blūt getranckē han. wie sol ich dir thūn / ich
 kan nit ein yeden den vnglauben mitt ein mist krogen
 v̄s dem hertze reissen / was hilfft mich eins anderē essen /
 das essen das ich selbs thū dz hilfft mich auch selbs / war
 schon die jünger Christi dz creüz / die kron / vñ die seüll /
 auch gessē hatē / was hilffte mich / nit überal. **Lieber. P.**
B. weist du nit das wir sollē essen das brot / vnd trinckē
 den kelch / zū einer gedecknüss / des leibs / vnd des blūts
 Christi da antwurt. **P. B.** vnd spricht zū mir / lieber. **C.**

wa' stat es gschriben vñ ich antwort Lu. 22. i. Cor. 11. P.
B. spricht warumb spricht dan sant Paulus der kelch d
benedeyung sye die gemeinschafft des blüts Christi vñ
die brechüng des broz ist die gemeinschafft des libs Chris
sti/ ich antwort also. Die benedeyüng ist nit im kelch der
kelch ist auch nit die benedeyung/ aber die benedeyüng ist
im hertze/ Dan so du benedeyest im geist deins hertze zu
der gedechtnuß des blüts Christi/ so nüßest du das blüt
Christi/ aber der kelch ist des ein gemeinschafft/ dē durch
den kelch hast du ein gedechtnuß des blüts Christi. vnd
also ist es auch mit dē brot. **Pe. Wa. Lieber Cle.** ich binn
yetz von dir ersertigt vñ wol bericht an dē. Aber ich hab
weyter mit dir zu redē vñ ist das die frag In welcher ge
stalt/ hastu so starck vō der gottheit vnd vō der mēschheit
geschribē/ sol es auch güt sein/ dz du es zertheylest. ich ant
wort. **Ja lieber. Per. Baur**/ ich hoff es sol durch dz selbig
schreiben ein hirt vñ ein herd werdē/ dan ich hoff durch
die krafft gotes vñ durch diß schreiben die Thürckē vnd
Juden zu bringen zum Christlichē glauben/ dan da got
der himelisch vatter redt zu sein ein gebornen sūn/ da
sprach er/ du bist ein priester ewiglich noch der ordnung
Melchisedech/ mit disen wortē ist vns bedüt ein auffhe
bung der priester im gesatz/ dan wie die priester im gesatz
hād geopffert für ire eigē sünd/ vñ dan für dz volcks sünd
wie wol es ist zu vergleichē gleich als wan ein künig ein
sūn gelt ans leihet auff ein zyel/ vñ leihet es seinē nach
baurē/ es künpr aber einer zu mē/ nach dē der künig in dz
gelt über liffert hat/ vñ d selb hats wol am künig/ aber
er spricht zu ihenen sye sollē im auch ein teil an dē geluße
nen gelt gebē/ er wel mit men bezalē/ vnd diser thūns/ der
künig aber weist nit/ so aber das zyll kumqt/ vnd ihene
dz gele nit hād/ mit sampt dise nach künende/ so gon sy

zu diesem / vnd sagen / er sol in helffen vmb zuel bitten di
 ser thürs aber nit auß liebe / er thürs aber darumb das
 er auch ein schuldner ist. vñ mit hēne fid erlangt. Chris
 tus aber hat es nit gethon / als er kumen ist sein priester
 thüm yn zu nemen / da hat er sich selbs ein mal auff ge
 opffert got dem himelischen vatter für des volcks sünd.
Er aber hat kein sünd in ym' gehebt also sol ein yecklich
 er Christ thün / er sol got bitten für eins andern sünd der
 er nit theilhaftig ist / er sol eins andern schuld helffe ver
 tädigen / darin er kein gemeinschafft hat / dan als Chri
 stus sein p: iester thumb hat yn genommē / da ward das
 priester thüm im gsatz hyn gelegt vñ auff gehabē. **A**ber
 mit kein büchstaben mag an gezeigt werden / dz ein an
 der priester thüm sy vō got yn gesetzt in sunderheit / dan
 wir sind all priester. i. Pet. ij. vnd darumb sollen wir vn
 sere leib auff opffern / aber Christus hat gesagt zu seinen
 jüngerē sy sollen das Euangeliiū predigen / er hat sy nit
 heissen opffern / vnd darumb wer das Euangeliiū predi
 get zu der eer gottes / der ist ein jünger vnd ein Apostel
 Christi / wer aber sich an nimpt das Euangelium zu pre
 digen vñ sücht dar in dz sein ym zu ein zeitlichē nutz der
 ist ein teüfel vñ vnd vergleicht sich Judas. **M**ein brüder
 Peter **B**aur. / ich muß dir meer sagen / dise redt ist über
 dz wörtlin du bist ein priester ewigklich nach der ordnung
 Melchisedech vnd trifft an die gottheit Christi vnd ich
 hoff das auß diesem verstant die Thürcken vnd Juden
 werden erkennen den rechte Messiam / vnd den ewigen
 priester on vatter on mütter on geschlecht / vff welche sy
 lang hand gewart in irem irthüb durch ire vnterstand /
 yetz aber ist er in geborē / angezeygt mit der schrifft / vnd
 werden sye in nit annemen / so werden sy in nimer erlang
 en in ewigkeit. **Pe. Ba.** / wilt du auch hōrē vō d mēschheit

Christi Peter Baur antwort/ nein/ ich hab aber für güte
von dir/ vnd bin wol benigt/ dan ich weys wol von der
Himmelfart Christi/ vnd von seiner zükünfft des letste
v:teyls/ aber du solt mir weyter sagen/ in welcher weis
hast du geschribē/ das die menschen gottes tempel seind
vß welchem du die menschen hast genent als gott mein
stun nit das es ergernis werd bringē ich antwort/ die wor
heit an zūzeygen/ vnd den willē gots zūthün/ sol alweg
für gon vnangesehe wer sich ergert dan da sanct Paul
lus von der ergernis redt/ da redt er vom fleisch essen er
redt also/ ee er seinen brüder wort ergeren ee wolt er kein
fleisch essen in ewigkeit/ er redt nit ee er wolt sein brüder
ergeren/ er wolt ee sein lebē lang den willē gots nit thün/
oder an zeygen/ sunder er spricht/ er wolt ee sein leben
lang kein fleisch essen. i. Corint. 8. Vnd darumb vers
gleich sich des fleisch essen gar nit mit dem willē gots/ zū
thün oder an zūzeygen/ dan welcher die schwachheit von
welcher Paulus redt am selben ort/ wolt hye härzeyhen
der mißbrauch die geschriffte/ oder aber er verstat sye nit
dan sollichs wer wider die wort Christi/ wan solches ges
vatters thün/ in diser nacht werden ir eüch alle an mir
ergeren/ er sprach nit ee ich vch wolt ergeren/ ich wolt ee
mein leben lang nit hyn gon. Peter Baur spricht/ ja er
hatt sye vor erbawen/ vnd Sanct Paulus spricht/ man
geb den kindern zū vor milch speiß. Also hat er auch ges
thon in seiner leer also solt du auch thün. Ich antwort/
dir/ mein lieber Peter Baur/ meinst du das ich dieses
büchlin von meiner natur oder auß eigener krafft/ oder
meinst du ich hab es von menschen leer empfangen/
meinst du das die Apostolische mēner die das heylig
Euangelion predigen vnd auß legen mit schreiben oder

mitt worten / es sye doctor Martinus Luther / oder alle
 andre wer sye seind / meinst du syer hant es auß iren eigs
 nen krefft der natur. ich antwurt nein. Syer hant es
 durch krafft des heyligen geists / der in gebē ist sye zu leis
 ten in alle warheit. was da sey der will des herren. vnn
 darumb wasi vnd wa der geist gottes will / da sollen wir
 auch wöllen. dan wo es nitt geschicht / so wider ston wir
 dem heyligen geyst. welches nitt würde verzygen weder
 sye noch dort. vnn darumb mein lieber Peter Baur /
 der geist gottes hatt sein wort reyllichen lassen erscheyn
 nen vor dem end der welt welches nohe ist. Als ir in kurz
 berzeyt werden hören durch die krafft gottes. dann dise
 göttliche vnd Euangelische leer / ist in fünff oder in. vi.
 jaren weyterschallen mit schreiben vnd leren. auch so ist
 bey güterzeyt noch ein büchlin auß gangen mit vil mil
 ten worten angetast / auff dz die ergernüß über dise büch
 lin vermeiden blib / wil man sich aber ye ergerē. ey im nam
 en gotts so bülich der hoffnung die ergernüß syl doch
 geraten zu einem rechten Christliche glauben vñ zu ei
 ner erkärnüß der göttliche warheit. dan also ist auch ge
 raten die ergernüß der Jünger Christi / von welcher ich
 gesagt hab. dann ich hoff als fast dis büchlin ergernüß
 anricht. es werdt in kurzem abrissen alle laster vñ bos
 heit. von der Christliche gemein. Welche laster vñ bos
 heit yetz fürgont von denē / die da wöllen kinder gottes
 geheissen sein. abgötterey hürerey vnd hoffart. has vñ
 geytz der welt. dan ein Christliches hertz / so es glaubet
 das gott der herre in ym wonet / so lauffe er zu keinem
 gözen. Dann es hatt kein abgöttischer mensch / theyl
 im reich gotts. Gala. v. Es würt auch kein hürerey sein
 bey den Christen. Dann es würt ein Christ gedencken.
 das er solches nicht solt erfordern an den tempel gottes.

dañ die magt oder das weib sind als wol der tēpel gottes
als der man / dañ es steet geschribē / wer den tempel gots
tes schent / den würt gott schendē. 1. Corin. 3. Pet. Baur.
spricht. wie wañ aber die magt oder dz weib nit die kirch
werē. Ich antwurt / ist aber diser ein Christ so ist er selbs
ein tempel gots / vñnd schendet aber den tempel gottes /
vñnd dañ würt er auch geschent vō got wie obsteet / er ver
gleichet sich auch mit den verdampften. dañ sant Paulus
spricht / kein hürer hatt teil am reich gottes. Ephesi. v.
dañ wer nūn ein solcher der vergleicht sich / henigen die
da hüreren mit den Moabitern. Numeri. xxv. aber sye
wurden geplogt von got mitt dem todt schlag. Es würt
auch kein Christ hassz tragen. dañ wo hassz ist / mag die
lieb nit bleiben / dan wer sich des glaubens rümet. vñnd
hatt die lieb des nechsten nit in ym / des glaub ist als ein
Klang einer schellen. i. Corinthio. xiiij. dañ so der Klang
vergeet. so ist nichts da / vñnd der Klang nützt nyemant /
dañ der Klang gibt nit spenē / so gibt er auch weder weis
sen noch sprewaren / aber Christus spricht / In der liebe
würt das gesatz erfüllt. vñnd die propheten. Matt. xxij.
Item es würt auch fallen der götz / dañ seind wir in got
vñnd gott in vns so mag der götz nit beston / dañ wöllen
wir götter sein / so müssen wir nit gözig sein / seind wir
aber gözig / so seind wir nit Christen. Dann Christus
spricht mein reich ist nit von diser welt. Joannis. xvij.
Peter. Baur spricht / o mein lieber brüder Clemens / wie
ein herten knopff hastu mir auff gethon an meinē hertz
en / yetzt felt mir ein wort yn / das hab ich auff einzeit hō
ren predigen / das Christus hab geredt zū seinen jünge
ren / da er spricht / meint ir auch wañ des menschen sün
kommen würt / das er würt glauben finden anfferden /
D wiet hieff geet es mir in mein hertz / vñnd mein brüder

Clemens / ich wil den todt mit dir leidē vmbdises büch-
 lin / so got also wil bezeügt haben. **A**ber ich sorg mein lie-
 ber brüder Clemens / das vnder zehen tausenden nach
 nit ein Christ sey / Ich antwort. wolan mein lieber brü-
 der Peter / gott stercke vnnnd meer dir deinen glauben /
 vnd nit allein dir / sunder auch allen liebē auß erwöleten
 heyligen gottes / vñ auch mir der ich diß büchlin geschri-
 ben hab / auff das wir hie bey ein ander leben in der
 lieb vnd nach disem leben auß gnaden in
 das ewig leben. **A**men.

Abscondisti hec a sapientibus et prudentibus. et reuelasti
 ea paruulis. Matt. xi.

Ein register der gantzē matery diß büchlin. was ein
yedes Capitel in helt.

- 1 **I**n dē erstē capitel / Hab ic h weytleüffig angezeigt dz
ich ein baur biñ / vñ hab es anzeigt mit weitleüffigē wor
tē vmb etlich lād schafft willē / in welche lād mein schrufft
kñpt / dan in etliche landē die mēschē nit wissen was ein
Gartner sy / wie mir dan etlich brüder gesezt haben.
- 2 **S**traff die wider sprecher des wort gottes gar mit
heilsamen Worten.
- 3 **W**ie man in den gebottē gotes wādeln soll mit der
heyligē götlichen schrufft an gezeit vnd bewert.
- 4 **Z**eigt an dz wir nit sorgē sollē dz dz wort gots durch
dz wort gots verlegt werd. dan wo dz gotts wort geschri
be dz ist got selbs / got aber ist nit selbs wiß sich auch hat
nie keiner dz wort gots vō ym selbs geredt / er sy dan ge
triben vō heyligē geist / als wir hād. ij. Pet. i. capi.
- 5 **H**ab ich anzeigt vō dē großē blintheit vñ irthūb / in
welcher vil mēschē noch wartē vñ was in her nach folgt /
dz ist mit ein exēpel anzeigt zū ein vstand dē einfeltigē.
- 6 **H**and wir vō dē yffer dē gotlosen vñ vō dē ansag des
mißbrauchs des leibs vñ blüts Christi vñ wie wir seind
gefallen vnder die heiden.
- 7 **W**ie got dz volck zempt im gsatz durch ceremonien
vnd von dem osterlemlin im gsatz.
- 8 **I**st auch angezeit / das man das volck nit sol berez
den den leib Christi yn zū stellen / vnd auff der gassen zū
tragen / gar mit schonen Worten.
- 9/10 **H**ād wir wie. S. pau. die rōmisch kirch strafft /
vnd die hochschülen / welche da redē vom leib vnd blüt
wider den verstand der heyligen geschrufft / durch welch

en, die bößemer in großem irthumb wandeln. 28.

11 **I**st vns ab gmal, dz die Corinthen. zu dēzeyt Pauli / eint weders dz brot des altars / vnd dē kelch zu gering hielten od̄ aber zu hoch vffmützen / dan der halbe sanct Paulus ward verursacht sy zu berichten mitt göttlicher schrifft wie dan yetz auch geschichte zu vnserm zeyten.

12 **H**ant wir vō d̄ eer vñ herligkeit Christi vō welcher Joēs redt. i. vnd solche eer vñ herligkeit ist vns anzeygt in zwen verstāt einē nach d̄ mēschheit Chri. dē andn nach d̄ gottheit Christi als mit göttlicher geschrifft bewert.

13 **H**ād wir mit schonē wortē wie wir sollē war nemē wo die schrifft redt vō d̄ mēschheit vñ vō d̄ gottheit Chri durch welchen vndercheid wir werden gewinnen Juden vnd Thürcken zu vnserm Christlichen glauben.

14 **I**st vns anzeigt dz recht vñ war brot in welcher die gehēinüß gots wont on alles wißsprechē / auch ist in disē capi. anzeigt d̄ recht vñ war tēpel gots / bewert durch die heylig geschrifft. in welcher wir erkēnē durch dē heyligen geist den willen gottes vnd nach disem leben durch den verdienst Christi das ewig leben.

Aber die beschluß redt ist in disem register mit begriffen / dan sye ist für sich selbs. vnd hat kein capitel / aber sy ist fruchtbarlich zu lesen ein yegliche mēschē. Die gnad gottes sye mit vns allen. Amen

A 000342224

Faint, illegible text, likely bleed-through from the reverse side of the page.